


聖教鑑略 序


聖教鑑略自序  
蓋夫國家史紀綱典。志乎使後人知其所當戒效而已。今夫聖教鑑略。又有大上者。要乎世人認識肇造天地眞主。時掌人物君元。厥自上古迄今。何等明智慷慨。保存聖教眞實。預定使人救靈善法。信友誠能專心覽習。必然明白吾人敬主奉教之爲大幸大福焉。而其信主望主愛主之三德。亦覺油然而堅定而切矣。復嘆上主全能。賜古今大德諸聖。施行種種奇靈異迹。更又賜先知古聖。將救世恩主。降生立表。行道化民。受難鈞死。復活昇天。隱細等情。預錄古經。後來一一符合。絲毫不爽。此非明顯聖教眞實之無疑。而大主慈恩隆厚之難報耶。伊於千百年前。預先整備聖教正道固基。迨聖子耶穌降世。敷傳普地。風波艱難攻搖不動。萬民之中。特選吾人進教。遵規脩靈。噫嘻。斯恩何奇何大哉。眞可謂主以永愛愛吾是也。吾人豈宜藐而弗察歟。爲此



子願眾友見斯書。不以輕厭棄之。且望人人各自喜勉。勤觀熟玩。力行日久。其友將看聖教別書。則能愈明聖書奧理。聽講聖教諸道。亦覺愈嘗聖言意味也。緣是書句語。文理特淺。爲欲人人閱之。一目瞭然。其弗識文字之友。令人讀之。亦可與知大略。又以每章之後。有問答數句。乃爲令人易記。更明章內之事也。至論教友兒女孩童。於首次領聖體。要理問答經言。讀完之後。定該學習茲書。俟候神父。逢主日及罷工瞻禮之日。會集諸童。循章以下。講解聖教古今事跡。於是教中少年。連歲演習聽復。將所聞記。積聚心懷。迨其長成人後。庶幾信光堅存益顯。愛火恒焰益熾。思言不惑三仇。行事不越誠規。敬主救靈。得享天堂永福。方滿上主造物贖人之深意也。云耳。

同治五年丙寅孟秋月


司教田類思題






第十章 罷伯爾塔  
 第十一章 天主揀選亞巴郎為聖祖  
 第十二章 亞巴郎祭獻天主  
 第十三章 依撒亞格完姻生二子  
 第十四章 額撒烏妬恨雅各伯  
 第十五章 九兄賣若瑟  
 第十六章 若瑟之潔德  
 第十七章 若瑟在監解夢  
 第十八章 若瑟擢陞相位  
 第十九章 若瑟諸兄往厄日多乞糴

見十四張  
 見十五張  
 見十六張  
 見十七張  
 見十八張  
 見十九張  
 見二十張  
 見二十一張  
 見二十一張  
 見二十二張




聖教鑑略 目錄

第二十章若瑟九兄到家	見二十三張
第二十一章若瑟兄弟復往厄日多	見二十三張
第二十二章若瑟十一兄弟憂悶途返	見二十四張
第二十三章王遣御禮往若瑟父家	見二十五張
第二十四章雅各伯一家遷居厄日多	見二十六張
第二十五章每瑟生養	見二十七張
第二十六章每瑟連行十聖迹	見二十九張
第二十七章巴斯卦羊羔之禮	見三十一張
第二十八章古聖若伯	見三十三張
第二十九章天主授與十誡	見三十四張






第三十章	巴辣盎外教術士	見三十六張
第三十一章	每瑟辭世若雪接位	見三十八張
第三十二章	審官總理	見三十九張
第三十三章	撒烏爾爲王	見四十一張
第三十四章	達未聖王	見四十三張
第三十五章	撒落滿賢王	見四十四張
第三十六章	撒瑪利亞裂國	見四十六張
第三十七章	撒瑪利亞裂教被虜國滅	見四十七張
第三十八章	多俾亞父子二聖	見四十九張
第三十九章	如達國百姓被虜京都聖殿毀滅	見五十一張



聖教鑑略 目錄

第四十章	達尼厄爾與其同孩淡薄諸德	見五十三張
第四十一章	達尼厄爾解夢	見五十四張
第四十二章	三聖童火窖不傷	見五十六張
第四十三章	達尼厄爾投入獅阱不傷	見五十八張
第四十四章	達尼厄爾預言救世主降來之時	見六十張
第四十五章	西祿國王准如德亞人回國建殿	見六十二張
第四十六章	安弟阿哥惡王	見六十四張
第四十七章	母子八人致命	見六十五張
第四十八章	瑪大弟亞及其諸子瑪加伯依	見六十六張
第四十九章	瑪加伯依失國	見六十八張



下卷目錄

第五十章古聖先知

見七十張

第一章聖母領報

見七十三張

第二章聖母往見依撒伯爾

見七十四張

第三章耶穌聖誕

見七十六張

第四章吾主受割損立名之禮

見七十七張

第五章三王來朝

見七十八張

第六章聖母獻耶穌於主堂

見八十張


第七章耶穌逃避厄日多國

見八十一張

第八章耶穌十二齡講道


見八十三張

八




聖教鑑略 目錄

第九章耶穌受洗於若翰	見八十四張
第十章耶穌嚴齋魔誘	見八十六張
第十一章耶穌選擢十二宗徒	見八十七張
第十二章耶穌講道勸化	見八十九張
第十三章耶穌擢伯多祿為宗徒首長	見九十張
第十四章耶穌顯聖容	見九十二張
第十五章耶穌騎驢進日路撒稜	見九十三張
第十六章惡人仇害耶穌	見九十四張
第十七章巴斯卦晚餐	見九十六張
第十八章茹答斯付賣耶穌	見九十八張



第十九章耶穌被釘而死	見九十九張
第二十章耶穌復活	見一百零二張
第二十一章耶穌升天	見一百零三張
第二十二章聖神降臨	見一百零五張
第二十三章日路撒稜聖教起初	見一百零七張
第二十四章日路撒稜聖教初受艱難風波	見一百零九張
第二十五章保祿宗徒歸化	見一百一十張
第二十六章撒瑪利亞百姓及外教人歸化	見一百一十二張
第二十七章宗徒分行天下傳教普地	見一百一十三張
第二十八章公斯當定皇帝奉教	見一百一十五張

+






聖教鑑略 目錄

十一

第二十九章 唐朝聖教首傳中國  
第三十章 元朝聖教  
第三十一章 明朝聖教  
第三十二章 清朝聖教

見一百一十八張  
見一百二十一張  
見一百二十五張  
見一百二十九張












並命掌治萬彙。天主恐人在萬福中忘念眞主。故定一令。欲試人聽命感恩否。天主向人說。地堂中各樹菓。隨爾取用。惟善惡樹之菓。不准摘食。若食此菓。必受死罰。汝子孫亦將受之。天主又命飛潛動覺諸物。過亞當前。亞當按物一一定名。然萬物中。無一像人靈明。可與同講者。故天主令亞當寐時。取其一肋。化成女人。名厄娃。亦賦靈魂。配爲夫婦。


○天主安置亞當何處。○在地堂中。○地堂是何所。○極美樂福地。○亞當居地堂。能死的麼。○長生不死。享諸福樂。壽至滿期。連軀上昇。○天主有何禁令。○禁食善惡樹菓。○女人祖母何名。○厄娃。○他怎麼受造成的。○天主令亞當睡時。取一肋骨。造成女祖。○爲何天主使亞當睡。取肋造女人。○一。使亞當不覺疼痛。二。厄娃表像聖教會。○厄娃怎麼表像聖教會。○如亞



當寐時。天主取其肋骨。化成一祖母。一樣耶穌釘死十字架上。如睡時。一卒刺其肋傷。化成一聖教會。

第三章 論元祖二人犯命 造後元年 降前四千年


元祖夫妻二人。安享地堂諸福。魔鬼妬忌施誘。投附蛇身。盤繞命菓樹上。借蛇口問祖母曰。厄娃。汝何不食斯菓。對曰。我等本食各樹諸菓。獨斯善惡樹菓。天主嚴禁。若食必定罰死。並子孫皆要受極重刑罰。魔曰。定無此事。因天主知爾等。不拘何日。一食斯菓。就像天主一般。能識善惡萬理。爲此嚴禁。汝等摘食。厄娃信魔哄誘。又見命菓美麗非常。隨摘而食之。後送與男人。亞當輕慢主命。順妻之意。遂食此菓。嗚呼。首祖二人。如此犯命。死隨原罪。而入世矣。



圖首祖二人。怎麼失了天堂福樂。圖爲何吃命菓。圖聽了魔鬼  
哄誘。圖魔鬼是誰。圖首乃大天神。有極大聰明能幹。名曰路濟弗爾。自發驕  
傲。想同天主一樣尊高。又帶領一分天神。抗逆主威。天主統罰於永苦地獄  
中。圖魔鬼有何大能。圖能行哄誘。若無天主允命。不能傷害世人。圖爲何天  
主准魔哄誘世人。圖一使人退誘立功。二使魔敗遁。羞慚被壓。圖吾人能發  
常勝魔誘麼。圖倚靠天主恩佑。必能常勝無疑也。


第四章 論首祖受罰逐出地堂 造後元年 降前四千年

原祖二人犯命之後。即覺善德良知頓減。偏私叢生。並見自己赤身難堪。取  
葉遮體。隱藏林下。主呼責問曰。亞當何在。對曰。我今赤體。無面出見。主曰。爾  
何覺自赤身。豈非食我所禁之菓乎。曰。實是主給爲伴之女人。與我食焉。主



曰。女人。汝爲何行此事。對曰。聽蛇騙誘而食。主罰蛇曰。因以誘人犯命。爾於衆獸內。最爲可惡者。吾使女人及其子。與爾永相仇恨。後有一女。將踏爾首。次罰厄娃曰。汝引男人違子嚴令。子將加爾諸苦。爾生產不勝疼痛。爾永居男人下。再罰亞當曰。汝順妻意。不顧吾誡。禍患瘦地。五穀不登。以後汝當辛苦勞碌。流汗胼胝。方纔得食。且汝首出於土。終歸於土。天主罰後。即將夫妻二人逐出地堂。


○原祖二人。受主何罰。○逐出地堂。辛苦勞碌。並其子孫均受偏私。災害病亡之諸罰。○天主罰他二人。尙用了仁慈麼。○一定尙用了仁慈。○何以得見。○因爲天主能罰他二人。卽死。或死後落地獄。但還仁慈寬恕。准他們做補贖。許下後來遣救世者。○幾時許下了。○罰魔鬼責蛇之時。言後有一女將



踏爾首。圖誰是此女人之子。踐踏魔首。圖耶穌基利斯督是也。

第五章 論加音妬殺亞伯爾 造後一百二十八年 降前三千八百七十七年


亞當厄娃出地堂。入世稼穡而食。後生二子。長子加音。心性兇惡。耕種度生。次子亞伯爾。心性善良。牧羊爲業。一日兄弟二人同獻主物。主厭加音惡。却其祭物。喜亞伯爾善。受其祭禮。加音妬恨。主謂加音曰。何嫉爾弟。若爾行亦善。必受賞。不然受罰。加音聞主言愈怒。一日誘弟往田中。竟殺之。怒猶未息。此卽爲首先殺人第一人也。天主乃責加音曰。爾弟亞伯爾義血之聲。呼號吾前求罰。災難禍地。爾雖久勞汗背。胼胝苦種。猶僅收穫。爾將徒流普地。加音受罰後。離主遠道。身常顛慄。心無安處。徧流各地。苦生一世。此則爲首先殺人者之罪罰也。



圖誰是原祖首先之子。醫加音同亞伯爾圖兄弟二人。善相和愛麼。醫狠不  
 和愛。爲此加音殺了亞伯爾。圖因何殺弟。醫妬恨弟德。圖加音犯殺人罪。受  
 天主何罰。醫渾身常顫。心無少息。竄流普地。苦生一世。圖爲何聖經多少殺  
 人之事未載。獨此殺人一事詳記。醫因善良亞伯爾表像吾主。無罪而受死。  
 兇惡加音表像如德亞人。妬恨謀殺耶穌。圖如德亞人受罰。如加音一樣麼。  
 醫也是一樣。他們殺耶穌之後。代代子孫。至今無國無君。徒散普世。


第六章 論諾厄造櫃 造後一千五百五十六年 降前二千四百四十四年

加音子孫蕃衆。皆醜惡如自祖。天下人數日多。罪惡也日增。自亞伯爾被殺  
 之後。亞當又生一子名色德。因其子孫。善良敬主。稱爲天主子民。後與加音  
 嗣裔結婚。互相嫁娶。漸染同惡。與他無異。噫。人初因靈本貴。今緣罪惡。卑微




不堪。天主教怒。定滅世人。萬物同滅。幸於色德子孫中。有諾厄一家八人。爲主所寵者。受主慈選。保存人類。故天主將滅世之隱意。示告諾厄。命其照得之模樣。造一大櫃如船。諾厄聽命。典工隨造。百年方成。世人見諾厄造櫃。明知天主定滅世界。奈無人因此改惡。蓋世人大都心疑。或將有其事否。或想此罰不速就來。眞像如今外教人行惡。或不信有一賞善罰惡之大主宰。又如冷淡教友。不速圖改。或想自己死時。不卽就到。

圖諾厄之櫃是甚麼。圖是一大船。照天主所示之模樣。而造之也。圖這櫃造了多少年。圖一百年。圖爲何要這多年。圖欲使世人見之。改惡遷善。圖諾厄是誰子孫。圖色德子孫。圖色德子孫稱甚麼。圖稱天主子民。圖後怎麼變壞了。圖因同加音後代結親。兩相嫁娶。習染爲惡之故也。





第七章 論洪水淹天下 造後一千六百五十六年 降前二千三百四十四年  
 世人稔惡不改。天主命諾厄携三子三媳。並妻一家八口。暨鳥獸畜類。各一對。又諸物種帶入櫃內。罰期至。傾盆倒雨。連落四十晝夜。一無停息。江河湖海漲溢。水從地竅各處。一時湧出。泛濫天下。雖極頂高山。水深猶十五肘。普地人民。鳥獸各類。一概殄滅。惟諾厄櫃內。人獸諸種。保存無恙。  
○洪水是甚麼。○天主降落大雨。地竅各水。一時湧出。泛濫天下。淹滅世人。  
○幸有幾人未死。○一家八人。○諾厄之櫃。表像甚麼。○表像聖教會。○怎麼表像聖教會。○如諾厄櫃。勝過洪水災難一樣。聖教會勝過世上艱難風波。二。如獨在諾厄櫃內。一家八口不死一樣。惟獨在聖教之人。能救靈魂不死。○洪水表像甚麼。○表像聖洗。○怎麼表像聖洗。○因洪水滅盡普世



罪惡如聖洗滅赦各罪諸罰。圖自亞當至諾厄共有幾代。圖十代。世初人命壽長。今將十代人名。生年死歲。壽數列後。以便查記。

第一代元祖亞當 天主以泥土首造賦靈而生至造後九百二十年死其壽九百三十年

第二代色德 造後一百三十年生至一千零四十二年死壽九百一十一歲

第三代厄諾色 造後二百三十五年生至一千一百四十年死壽九百零五歲


第四代蓋南 造後三百二十五年生至一千二百三十五年死壽九百十歲

第五代瑪辣肋爾 造後三百九十五年生至一千二百九十年死壽八百九十五歲

第六代亞肋德 造後四百六十年生至一千四百一十二年死壽九百六十二歲

第七代厄諾格 造後六百二十二年生至九百八十七年受擄不見在世三百六十五歲  
天主安置其身於福所至今未死天地終窮時將出勸世


第八代瑪都撒辣 造後六百八十七年生至一千六百五十六年死壽九百六十九歲



第九代辣默格 造後八百七十四年生至一千六百五十一年死壽七百七十七歲  
 第十代諾厄 造後一千零五十七年生至二千零六年死壽九百五十歲

第八章 論諾厄出櫃登地 造後一千六百五十七年 降前二千三百四十三年

洪水淹沒天下。至一百五十日後。天主始發大風退水。水既漸消。諾厄之櫃。息止於亞爾默厄亞山頂。又一百二十日。諾厄見水平地。先放烏鴉白鴿。二鳥出探。烏鴉不返。白鴿未得立處飛回。七日後。復放白鴿出。乃啣青枝而返。諾厄見新枝。知洪水退盡地燥。尙待主命而出。至週年滿。天主顯現。命諾厄帶妻同子媳。並鳥獸諸類出櫃。諾厄登地。備物獻主。天主享其祭儀。降福三子一家人。曰。爾等復生養。充滿宇宙。自後吾不復以洪水滅生類矣。時將雲開天霽。虹霓現於空。此卽爲我踐約之憑也。




圖諾厄在櫃幾時。圖一週年足。圖天主許了諾厄甚麼。圖許了自後不發洪水。圖給了甚麼記號為憑約。圖天上虹霓。圖虹霓表像甚麼。圖虹霓有雜顏色。表像聖教有麗明諸德。

第九章 論諾厄罰剛子孫 造後一千六百五十八年 降前二千二百四十二年

諾厄三子。長子名生。次子名剛。三子亞弗德。其後次子剛不甚孝敬。一日膽大敢行輕誦。父後得知。呼剛來前責曰。天主將罰加南益。世代為奴。繼祝福長子及第三子曰。生將受天主降福。剛子為其奴。天主將廣伸亞弗德。居住生宮。剛子為其僕。以上諾厄責降祝福之諸辭。一一皆驗。今剛後代。果散普地。大都服奴為僕。諾厄壽至九百五十歲而逝。


圖為何諾厄罰了剛子加南益。圖使後代人。知當孝敬父母。圖諾厄預言了



何事。○降福預言長子。三子亞弗德子孫蕃衍茂盛。○次子剛後代。散流  
 普世。服奴為僕。○諸言皆已驗否。○一一皆驗。果見如今生之後嗣蕃茂。亞  
 弗德子孫廣伸。居住普地。剛之後代。大都為奴僕。

第十章 論羅伯爾塔異語分國 造後一千七百五十七年 降前二千二百四十二年

諾厄子孫。人丁蕃盛。所居之地。不足容眾。欲行散居。但於分居之前。定謀議  
 曰。我等當齊建一塔。高與天接。以為後代仰記。且天主若再發洪水。登此可  
 以無憂矣。此即明顯伊等弗信天主所許。不復以洪水再滅生類之語。天主  
 見伊眾妄思狂行不止。雜其語音。自弗相通。心力各異。莫遂意願。塔未成。乃  
 罷。各與同音者。分境處住。始近後遠。散及萬方。生之後代。居亞西亞洲。即中  
 華等國。剛之後裔。居亞弗利加洲。即黑人等國。亞弗德之後嗣。居歐羅巴洲。




卽西洋等國是也。

圖罷伯爾塔是甚麼。圖是諾厄子孫未散前。齊造之塔也。圖此塔造成否。圖未成。因天主見人妄思狂行。亂其口音。不相通而止。圖爲何天主雜其口語。圖因人糊思妄行。欲造塔。爲避天主再發洪水之災。圖伊衆散居何地。圖生之後代。居亞西亞洲。剛之後裔。居亞弗利加洲。亞弗德之後嗣。居歐羅巴洲。圖普世萬民。皆爲兄弟否。圖一定無疑。四海之內。皆同一祖兄弟也。

第十一章 論天主揀選亞巴郎爲聖祖。造後二千零八十三年。降前一千九百十七年。時爲夏朝帝崩之第五年。

諾厄三房子孫。散居四方。人民分爲多國。漸忘眞主。惟生裔內。有幾聖人。按本性善良。守規行義。欽崇眞主。其中有名亞巴郎者。天主選伊爲聖祖。與伊結納。命伊携家離鄉。許伊子孫蕃茂。救世者。將從厥裔而生。亞巴郎堅信天




主之辭。聽主所命。携家離鄉。領受割損之禮爲約。時亞巴郎年已耄耋。尙無後嗣。天主全能。賜厥生子。取名依撒亞格。

天下世人。幾時分國。造罷伯爾塔後。卽主造天地後一千九百十七年時也。世人皆恒久敬奉真主。狠稀幾人。其中有一名亞巴郎者。天主幾時賞報了他。選伊爲衆信友聖祖之時。許救世者。將自厥嗣而生。天主賜何記號爲憑約。割損之禮。割損是甚麼。是天主所定之禮節。爲敬奉真主者。與外教人分別之號記。

第十二章

論亞巴郎祭獻天主。造後二千一百四十五年。降前一千八百五十五年。時爲夏朝孔甲之第廿五年。

數年後。依撒亞格稍長。天主欲試亞巴郎之信德。命伊殺獨愛之子以祭主。斯命是最難聽者。亞巴郎心中亦能竊想天主。方纔許我後代。數多如沙粒。




今命吾殺獻一獨子。何前後言。矛盾之甚。然忠信亞巴郎。毫無疑運。速聽主令。命兒依撒亞格。負身帶火。同至加爾瓦略山。立臺架薪。將子縛置薪上。拔刀。舉手欲下。天神傳主命呼止之曰。亞巴郎勿傷汝子。足矣足矣。汝之順命。甚樂天主之心。可取羊以代子。亞巴郎回顧。見一羊角。累繫叢棘中。乃牽殺祭主。以代己子。

○爲何天主命亞巴郎殺獻己子。○欲試其聽命信德。○亞巴郎之祭獻。表像甚麼。○表像天主聖父。捨獻聖子耶穌。○祭獻之山名何。○加爾瓦略山。

第十三章 論依撒亞格完姻生二子 造後二百四十八年 降前一千八百五十二年 時爲夏朝孔中之第廿八年

依撒亞格長成。父亞巴郎爲其娶勒比嘉爲妻。一胎雙生二子。先出世者。渾身是毛。名額撒烏。有勇力。喜畋獵。後出世者。身光彩。名雅各伯。善良性成。一






日雅各伯在家烹炙自食。其兄額撒烏打獵外歸。腹饑。向弟乞羹食。雅各伯對曰。若賣汝長子之位與吾。予就給兄食。額撒烏隨口應賣。食後追悔。以己失落亞巴耶後代長子之降福。如今有幾多人。因貪饜失落天堂永福。  
 額撒烏賣長子之事。有何取戒。醫使吾等知遇窮苦艱難之時。不當賣吾信德。醫怎麼爲之賣信德。醫卽是有等人。因私慾貪情之故。離棄天主。醫雅各伯受父親降福。得何好處。醫成了如德亞百姓之聖祖。又救世者。從厥後裔。降來生出。

第十四章 論額撒烏妬恨雅各伯

額撒烏見父依撒亞格降福了雅各伯。受天上地下諸福。心懷妬恨。尋機殺弟。雅各伯畏兄心狠。逃避母舅家。後娶妻生十二子。分十二支派。爲如德亞






害殺之。幸長兄露崩知其事。從中挽阻之。故九兄改意。將若瑟賣與往厄日  
 多國之香客為僕。後諸兄殺羊染衣。持歸送父視。問曰。我等辱獲斯衣。非爾  
 子之衣乎。雅各伯視衣即識。悲慟哀號曰。此是吾子之衣。兒殘野獸。吞噬若  
 瑟。自此以後。其父每日悲傷不已。

第十六章 論若瑟之潔德 遺後二千二百七十六年 降前一千七百二十四年

香客抵厄日多將若瑟轉鬻與普弟法勒一宦官家。普弟法勒見若瑟誠實  
 忠厚。命為家管。事之巨細。咸委屬之。天主護助若瑟。所理主人家業。順而益  
 增。主人愈信托。因其德義正規。天主欲試之。一日主人因事外出。主母欲逼  
 私通。若瑟不從。奔避。主母羞赧抱恨。夫歸。告若瑟。不懷好心。夫信妻言。大怒。  
 將若瑟下牢監守。






荒。請王遣大臣於豐稔時。各處採糶廣儲。以救大荒。王聞解喜甚。即將手指金戒。暨錦袍。賜與若瑟。卽陞爲相位。若瑟出監陞位。同在一日。年方三十歲。

第十九章 論若瑟諸兄往厄日多乞糶。造後二千二百九十六年。降前一千七百零四年。時爲商朝沃丁之第十七年。

若瑟擢位後。住厄日多。於各省府州縣。創建大倉。於豐稔七年之時。各處採糶。糧食無數。堆積如山。豐年果隨。各處告饑。王統命赴若瑟前。平糶。民無餓殍。四方鄰邦。不勝饑饉。聞厄日多若瑟處。儲積有糶。俱來乞糶。若瑟之兄十人亦到。叩拜乞買。若瑟一見。卽識是兄。乃佯問曰。爾等是何國人。何爲至此。家有何人。對曰。小輩乃加南盎之民。緣饑來此求糶。家有老父。兄弟十二人。惟第十一弟。於數年前。被獸傷而亡。今末弟同父在家。若瑟托辭。訐曰。爾等面生可疑。莫非來探聽我國動靜乎。諸兄對曰。小輩實無此心。若瑟



未幾糧盡。雅各伯無奈。放末子崩亞明與九兄同往厄日多。到柑府前。報知


是子再出外矣。

第二十一章 論若瑟兄弟復往厄日多

因若瑟囑管事之人。令將伊等買糧原銀。各藏諸袋。九兄到家。見於厄日多。所付價銀。皆在袋中。不解其故。父雅各伯曰。此必差錯。不可貪此銀。待後須還。九子將前事。一一訴父知。雅各伯哭曰。爾等欲做我無子之人耶。若瑟被獸傷死。西默盎為當不同。尚欲取十二弟崩亞明同往。是何心哉。我定不准

第二十章 論若瑟九兄到家


曰。我今欲試爾等之言是實否。留一居此為質。九人帶糧回家。待領末弟來。此看驗。伊輩無奈。只得遵命而行。



若瑟兄弟九人與末弟同至。復來乞糶。准入行禮。若瑟一見同母所生之小  
弟。深覺情動。翻身入內。哭泣流淚。半時復出。命設筵款待。若瑟列坐兄弟位  
次不紊。兄弟駭甚。席後命左右裝袋。將糧價諸銀。仍藏各袋。又囑另藏一銀  
爵於崩亞明袋內。遣回。行未遠。佯使人往追途中。責曰。汝輩誠爲歹人。我主  
待爾等弗薄。爲何反行竊盜我主寶爵。真是可惱。衆對曰。實無此事。放袋開  
尋。果於崩亞明袋中。搜出銀爵。

第二十二章 論若瑟十一兄弟憂悶途返

兄弟十一人。見賍搜出。無可辭辯。憂悶回見相君。伏乞討饒。若瑟答曰。爾兄  
弟十人可回。惟崩亞明。罰留爲奴。如達匍匐而進。哀告曰。小人此弟年幼。不  
諳世事。伏乞相君施恩。念此幼弟。與十一弟同母所生。老父最愛者。伊兄若








因何諸兄賣了若瑟。醫嫉妬之故。醫爲何天主不禁阻呢。醫要若瑟立大  
 功名。又要用他救本家性命。並救多國萬民。醫若瑟影像誰呢。醫耶穌基利  
 斯督。醫爲何影像吾主。醫因耶穌如若瑟。受如德亞人同宗兄弟付賣。爲救  
 本國。及普世萬民靈魂。醫耶穌怎麼行了救贖之事。醫以己之聖死。並己之  
 聖復活。醫若瑟受苦之古事。我今有何取法。醫遇苦難之時。效其總不失望。  
 因天主常佑。堅望求救諸靈。

第二十四章 論雅各伯一家遷居厄日多 造後二千三百十五年

降前一千六百六十五年 時爲高朝太康之第七年

如達十一兄弟歸。將若瑟諸事告其父。雅各伯乍聞。駭而未信。及見人夫與  
 馬。金銀禮物。如醉而醒。如夢方覺。乃喜曰。倘我若瑟尚在。得見一面。雖死無  
 恨矣。於是雅各伯一家大小共七十口。遷居厄日多矣。王聞若瑟父至。喜悅。




宣見間安。贈膏腴之地。與之處住。後又十七年。雅各伯臨終前。取主默啟。降福諸子。至如達第四子曰。國家之權。不離爾室。傳至於宜遣來者。乃萬民之望也。降福畢。囑若瑟及諸子曰。我沒後將吾骸骨。遺葬於加南益祖墳傍。蓋為將得加南益之憑。且慰世代子孫也。

○雅各伯預言了何事。○預言國家之權。不離如達之室。傳至以宜遣來者也。○斯語有何意。○言如達子孫。常為國王。直至救世者。降來之時方止。○斯諸預言。都充滿了否。○都充滿了。因至外國人。黑落德為王時。救世者降來也。


第二十五章

論每瑟生養 造後二千四百三十三年 降前一千五百六十七年 時為高朝仲丁之第一年

雅各伯聖祖逝後。若瑟十二兄弟漸次亦亡。百年之後。遇一殘暴惡王。不知



若瑟前功。見依臘阮子民。生育甚衆。欲害絕之。加以苦役。或命燒磚。或造城屋。遠離妻室。以冀滅之。復命產婆。凡遇生男。即當弄死。產婆不忍行兇。惡王責之。佯答曰。異哉。依臘阮生子不同。小婦未至其家。彼已自生矣。王思是謀無用。竟出一旨。命依臘阮生男。投水淹死。不准留養。並設兵巡察之。當此之時。依臘阮人。慘苦莫甚。皆熱切求主眷念。亞巴郎。依撒亞格。雅各伯。諸聖祖。亟救斯難。時第三房。肋位後代。適生一子。英雅不凡。父母密藏數月。不敢久匿。置嬰於藤器。放河畔樹邊。令嬰姐晝顧。夜復携歸。一日王女公主。偶遊澤畔。見藤具。命婢取視之。乃見堂堂小男。知為依臘阮之嬰。心憐之。令其姐抱育母家。嬰稍長。送還王女。公主見小孩智慧英昂。甚喜。收為己子。取名每瑟。譯言從水救出者也。




○若瑟亡後。依臘阨爾人。不受苦害麼。○一定受了厄日多國人無數苦害。○受了何苦害。○惡王或命燒磚瓦。或命造城屋。口糧薄給。差徭苦役。○爲何惡王要如此殘害。○恐他人丁太衆。謀叛得國。○虐王還出何旨。○還命他們生男。○卽富淹死。○每瑟是誰。○是肋位後代所生。從水救出來的。○誰從水救出他來。○王女公主。抱養爲子。○天主爲何要救出每瑟。○爲用要他救出依臘阨爾子民。

第二十六章


論每瑟運行十聖迹 造後二千五百十三年  
降前一千四百八十七年 時爲商朝沃甲之第四年

每瑟爲人。仁慈惻憫。雖居朝內。輕富貴。甘貧賤。好隱修。熱愛事主。故多受聖佑。長大。才學名高。嘗自竊往依臘阨爾境內。顧慰昆弟。王知欲拿禁。每瑟自覺逃避外國。後娶瑪弟央之女爲妻。生二子。當此之時。依臘阨爾人。愈受虐



王慘害。天主憐憫欲救。一日每瑟爲岳父牧羊。遠見高崗深林。火耀大光而不焚。心愕。欲近往視之。聞林中有聲曰。去汝鞋而後進。每瑟跣足。匍匐而入。主命其同兄亞亞龍入朝。以主令。請王釋放依臘。爾之民。去曠野祭主。惡王不聽。天主付每瑟手杖大能。於惡王前。進行十聖迹。第一。每瑟以杖擊水。厄日多江河等水。乃變爲血。第二。遍地蝦蟆。進入民屋。第三。杖擊地灰。通國蚊蠱。第四。滿境蒼蠅。瑣瀆難堪。第五。各處畜疫。第六。瘡糜體腫。第七。極大雨雹。擊毀莊稼。第八。滿疆蝗蟲。蛟盡五穀。第九。黑霧罩空。暗夜不見。第十。統殺普國長子。其事見後。每瑟時年八十歲矣。


圓厄日多國。遭那十大災難。醫就是天主用每瑟行大聖迹。以救出己民。醫斯諸奇迹。教訓何事。醫教訓我等。愛主仁慈。賜罪人痛悔遷改之時。又使我



等。畏主聖怒。義罰怙惡不悛之徒。圖還有何警意。醫警醒我衆。速當圖改。不可延日自欺。因主仁慈雖大。其公義又大嚴是也。

第二十七章 論巴斯卦羊羔之禮


厄日多惡王。屢許屢背。不願釋放依臘。厄爾之人回鄉。天主命每瑟。囑如德亞人。整備行李。家家殺羊羔。以血擦門額。肉烹炙。各束腰。納履執杖。立食羊羔。有餘連骨須燼。天主又命己民。往借厄日多。鄰舍金銀珍物。至晚。主遣天神。盡殺厄日多。自王至民。以及畜類衆長子。獨依臘。厄爾民。門擦羊血。天神直過不入。毫不傷損。故食羊羔之禮。稱巴斯卦。譯言過也。當夜。恻聲連天。家家死屍。怨聲載道。惡王懼甚。逼命每瑟。急領依臘。厄爾民。速就出國。不得稍緩。當時如德亞壯丁。婦女孩童。不算。共約六十萬人。每瑟統帶以出。既而惡





第二十八章 論古聖若伯

每瑟之時。東方外國有名若伯者。雖為額撒烏後代。居事邪魔之中。然獨自敬奉造物真主。生七子三女。家豪產富。天主欲以其為後人聖表。准魔試誘。忽一日之間。兇信連片而至。傭人續來。哀哭報其牛千條。驢五百匹。羊七千隻。駱駝三千頭。子女十人。統或被寇劫光。或為天火燒燼。或因狂風。屋傾壓死。且自身體。生滿爛瘡。蛆出濃流。臭痛難當。俄頃之際。災害並集。若伯當此內外極苦之時。一無怨言。心泰如常。惟伏地拜主曰。僕自母胎赤身入世。今若赤身卸世。主賜主收。一如主命而成。願主聖名。稱頌榮福。其妻誦怒曰。今若此。汝尚讚主乎。何弗即時就死哉。其親朋亦來視責曰。汝必隱犯何惡。致遭如斯重罰耶。若伯毫無怨怒。惟謙對曰。主前賜福喜領。今降苦為何不忍受。





耶。於此重苦極難。約四十年之久。甘心忍耐。總未生一怨心。發一怨言。眞堅忍成德之大聖也。主後療其瘡。倍其財。還其子女如前。復安享世榮多年。眼見四代子孫。壽至一百四十歲。功滿德全。聖終逝世。

○若伯之聖德。有何取法。○效其堅忍之表。又當知世苦。非常因罪犯而來。亦有時爲試德加功之故。觀若伯受難古事可知矣。○天主在世。常賞報忍耐受苦之人麼。○一定常賞報。如或減少災難痛苦。或於苦中。心覺神慰。○若遇受世災苦。當如何而行。○當法若伯古聖曰。主賜主收。一如主意。願主聖名。稱頌榮福。


第二十九章

論天主授與十誠

洪後二千五百十三年

降前一千四百八十七年

依臘阨爾百姓。出厄日多國。天主賜恩。日則雲柱。夜則火柱。騰空在前。或行






是甚麼。罽是以貴木表裏鑲金之櫃。內藏十誠寶石二板。及瑪納珍物。並每  
 瑟聖杖。瑪納是甚麼。罽是從天每夜所降。為如德亞人日用之糧。內含美  
 味。隨意應發。瑪納表像甚麼。罽表像聖體。


第三十章 論巴辣盜外教術士 造後二千五百五十三年  
 降前一千四百四十七年 時為商朝祖丁之第十九年

如德亞人。旅住曠野。四十年之時。受天主保護格外奇恩。難以罄述。將進加  
 南盜福地前。有莫亞比國王。名巴辣格。見依臘阨爾民。所經數十國。皆寇敗  
 敵亡。不勝恐懼。連召本國大術士。名巴辣盜者。欲其土高阜。行咒罵如德亞  
 民。對曰。臣雖術士。王令行詈語。以害依臘阨爾民。但王須知斯民。為天地真  
 主之民。臣當依天主啟示之意。或頌或詈。弗能外茲而行。於是巴辣格。莫亞  
 比國王。在山高頂。三處立臺。巴辣盜術士。三次祭獻。三番依主啟示之意。祝



頌如德亞民。首次讚曰。王欲臣行咒詈斯民。臣實弗敢。緣斯民獨居爲天主之民。其多如洲沙。誰盡知其數。吾靈願與同遊。次換高山。指如德亞人祝曰。天主與斯民偕。因茲常獲凱旋勝歌。其勇真如怒獅。盡吞仇敵方息。三又換高阜。下視而頌曰。依臘阮爾之宮殿營寨。如何景麗。真似靠河秀園。美盛爭榮。吾將遠見大星從雅各伯生出。國權由依臘阮爾將。剿盡莫亞比民。王勃然大怒曰。吾召汝來。原欲爾詈咒斯民。汝反再三祝頌於前。本備賞爾尊榮。奈欺吾太甚。今不戮爾首。是汝大幸。速離遠道。於斯可知。雖外教術士。天主亦啟動其祝頌已民。並預言來事者也。


巴辣盜是何人。醫是外教術士。莫亞比國王。欲其咒罵如德亞民。反受天主默示。祝頌再三。並預言來事。圖預言了何事。醫預言大星將從雅各伯生



出。將來一領首。爲普世萬民之君也。圖所言大星。是何星。圖耶穌聖誕日。所顯異星是也。圖此領首是誰。圖耶穌基督是也。

第三十一章 論每瑟辭世若雪接位。造後一千五百五十二年。降前一千四百四十七年。


每瑟領衆。在曠野四十年。以杖行保護救民聖迹。不能悉記。蓋因頑民。屢次心怨逆主。並欲謀害每瑟。故天主屢行顯戮驚跡。或焚以天火。或吞以地裂。或囓以毒蛇。或罰以瘟疫。種種難罄。迫近加南益福地。一日衆苦慘渴。嗟怨不平。每瑟氣怒。依主命取杖擊石。水尙未出。因心狐疑。再擊水出。主謂每瑟曰。汝不篤信吾言。爲此汝見福地在前。無福入斯地也。未幾亞亞龍死。長子嗣位。每瑟亦逝。主則取其屍。葬於錫乃山。無人知其處。若雪接位。復多行大聖迹。如檯結約櫃。領衆過若爾當河。水分上下。停止不流。中顯大路而行。繼





依臘阨爾民常逆主命。前事可觀矣。及得加南益福地。天主命其將斯國仇敵。統行誅滅。蓋居加南益地者。乃剛之子孫。惡逆無良民也。依臘阨爾人。卒不全順主命。仇敵不盡殺。留一分以爲奴。皆係拜魔事邪之徒。漸後時長。依臘阨爾人。習染惡俗。再加互相嫁娶。竟至同拜邪魔。罪惡貫盈。主怒重罰。准鄰國仇敵屢來寇剿。殺戮最多。當是時也。如德亞民。知因背主事魔之罪惡受罰。痛悔前非。以求恕宥。乃祈主救。漸天主時遣大能賢人。爲之總領。征伐仇國。稍安無事。又行惡離主。又復罰之。悔又救之。如此自若。雪至撒牧耳。先知聖人時。共三百有餘年。稱爲審官總理之時。凡有大關切務。必求主示而後行。故彼時萬物眞主。獨爲依臘阨爾民之主之王也已。

圖總理審官是何等人。圖是天主所選大能賢輩。以總理依臘阨爾民事也。




圖共有幾審官。圖一十四名。圖在諸內那幾人。更顯名出等者。圖三算。及撒  
牧耳先知聖人。

第三十三章

論撒烏爾為王。造後二十九百零九年。降前一千零九十一年。時為周朝成王之第二十五年。


撒牧耳先知。為總理時。國家寧靜。年老。其子不肖。弗能嗣父任。如德亞人。欲  
效鄰邦。乃求立一王。以代治國。天主默示撒牧耳。可聽民願。從崩亞明支內。  
命傅油於撒烏爾之首。選立為王。撒烏爾既為天主親定之人。首善理國。蒙  
主庇佑。故征伐四鄰。無不凱捷。後漸怠驕。輕藐主命。主怒棄之。絕其後位。主  
命撒牧耳。另自如達支中往傅油於達未之首。定將繼撒烏爾為王。時達未  
為人。虔恭事主。氣度洪遠。不計報復。為國殺敵。多建奇功。內尤著者。持杖擊  
石。殺敵將巨人。名戈立亞者。軍民頂服。惟王懷妬心。屢欲殺害之。達未忍辱。





逃避山洞。王率兵追尋之。一日王單身偶入洞中。同僚勸達未殺王奪位。對曰。彼乃吾王。由主親揀。吾何敢萌弑報之心耶。吾寧受苦辱。聽主安排而行。後王出征鄰境。主不施顧。同子敗沒於陣。達未聞知。慟哭不已。時文武朝臣。耆民長老。統來強推達未爲王。此國家之權。歸如達室。而雅各伯聖祖預言。於茲驗矣。


圖誰首爲如德亞國之王。圖撒烏爾。圖爲何失了國位。圖輕藐主命故也。圖他如何而崩。圖戰敗陣前。自刎而死。圖誰殺勇將戈立亞。圖達未。圖用甚麼軍器殺他。圖空身。圖用放羊枋杖。與流星卵石。圖戈立亞之死。吾人有何取鑒。圖可知氣力之勇。不能傷天主欲顧之人也。圖撒牧耳。傳油於撒烏爾。及達未之首。有何深意。圖表主之聖寵。及王之聖德。故後凡新登國位。及登司



教職者。皆傳聖油於首。稱為基利斯督。譯言擦油也。

第三十四章 論達未聖王 造後二千九百二十四年 降前一千零六十六年  
時為周朝康王之第十三年

達未登位。愛主行善。智勇雙全。良將衆多。誅討仇敵。難以盡述。國泰民安。一日失慎。閒步逸遊。犯罪壞表。主怒。命先知拿贍往責。曰。王辜恩輕主。罰將至矣。達未自知罪重。深抑卑持。痛求主赦。補贖前非。主命先知拿贍復往。告以罪宥。然仇敵罪罰。永不離汝家矣。嗚呼。雖大德之人。宜常遠棄罪緣。方免仆陷。而况薄德之友乎。不幸獲罪。當法聖王。速急悔改求饒。主最仁慈。寬宥重罰。後聖王年老。欲造聖殿。主因其誅戮衆多。手未甚潔。命當後待子手。由是儲金銀珍寶極廣。以備為日後聖殿之需。蓋達未一生。愛主善功最盛。曾作聖詠百餘篇。讚頌天主。其聖詠中。因主默示。預言救世者降生。受苦釘死諸




情。及聖徒敷教。聖而公會至世末。又善人永賞。惡人永罰。一一始末。統共詳載。在位四十年。愛主愛人。善政善教。敵人恐懼。鄰邦貢獻。真智勇大德。先知聖王也。


○達未是誰。○依撒依之子白冷郡人。○他最奇者。那幾德。○勇毅。○忍耐。○痛悔三德也。○他單是聖王麼。○也是先知。因預言了救世主受死。復活等情。

第三十五章 論撒落滿賢王 造後二千九百八十九年 降前一千十一年 時為周朝昭王之第四十二年

達未聖王崩。其子撒落滿即位。守父遺訓。事主從善。主特愛之。兩次顯現。問伊不拘求何恩寵。悉將與之。撒落滿對曰。懇主賜僕明睿。政治主民。主曰。汝不求珍寶壽考殺敵滅仇。而有此善願甚美。於今賜汝所求。自開闢以至世末。無一人能勝汝明睿生知者。故凡天文地理度數。以及草木飛潛。生動性




質。並諸精微玄奧。暨治國辨別邪正萬理。無不透徹了然。通國臣民敬服之。且其聰明賢德大智之聲。洋溢海外。四方鄰國。咸來貢獻黃金珍寶。朝覲哈教。國強民饒。踐祚四年。造主大殿。巍峨華麗。超越天下勝跡。七年告竣。通國臣民。與王在殿。大設祭奠。慶喜七日。謹奉結約聖櫃於殿。以後凡有祭主。必當來此殿內。別所不得祭焉。以示天地真主惟一。其正教聖會亦惟一。獨能救人靈。永享真福者也。奈撒落滿王。後多娶外國公主為后妃。富貴快樂。漸喪其心。緣離恩主。至年老愈昏迷。竟為外教嬪妃。起建廟宇。同祀邪神。主怒責曰。汝肆慾妄行。棄吾真主。予將分爾國為二。第念汝父善德。姑待汝子之時。始行降罰也。嗟乎。世之榮華快樂。固迷人心。招主懲譴。卽以出類拔萃之賢王。尚弗能免。良可慨哉。



撒落滿賢王之事。有何示鑿。示吾等不當倚前功德。在順樂之時。尤宜  
 謹慎。誰造日路撒稜大殿。撒落滿賢王。爲何只此京都一聖殿。表  
 示天地眞主獨一。恭敬眞主聖教之禮。亦獨一也。

第三十六章 論撒瑪利亞裂國 造後三千零二十九年 降前九百七十一年  
 時爲周朝穆王之第三十一年

撒落滿在王位四十年崩。其子羅不益卽位。國中耆老來懇曰。先王賦稅太  
 重。百姓困苦。今新君踐尊。敢求稍減。以蘇民力。王問諸老臣如何。老臣奏曰。  
 王初登位。民有懇情。須隨其願。以安民心。國乃無變。王又謀諸少臣。對曰。此  
 毋乃太侮王乎。蓋先令不嚴。後令難行。王該以威勢鎮壓。回覆曰。先王之厄  
 重難荷。新王更將加重。先王答汝等以鞭。新王將答爾輩以斬。使汝衆知新  
 王之威能耳。王弗聽老臣良策。竟從少臣之語以對。耆老衆民。見新王殘暴。



共商議曰。我等豈宜永屬達未管下乎。今我十支。另立一王。豈不美哉。於是十支耆老衆民。從厄拂拉因後裔。推立若羅白昂爲王。惟剩如達與崩亞明兩支。屬羅不益管。若羅白昂首都帶淵。後遷都撒瑪利亞。稱爲撒瑪利大國。云。自後羅不益之百姓。稱如達國。若羅白昂之民。稱依臘阨爾國。此乃天主前罰撒落滿王。分兩國之言。於茲驗矣。


圖幾支派分爲依臘阨爾國。圖十支派。圖爲何此十支分離了。圖天主准此

分離。以罰撒落滿及其子之罪耳。

第三十七章


論撒瑪利亞被虜國滅。造後三千二百八十二年。降前七百十八年。時爲周朝桓王之第二年。

如德亞民。分爲兩國。如達百姓。仍在撒落滿所建大堂內。瞻禮祭主。若羅白昂見依臘阨爾黎庶。皆宜往日路撒稜聖殿內拜主。恐其心變。復事前王。爰



立異教。鑄二金牛。於交界之地。率民朝拜為神焉。若羅白昂裂國。裂教之首王。及後惡王。皆引依臘。爾百姓背主向魔。作惡日甚。天主憐憫。代遣隱修先知大聖。如厄利亞者。伊後為主特寵。坐火車昇往不見。迨今未死。安息福所。至世末時。降來勸改。及厄利叟等。行無數大聖迹。勸王與民。棄魔從主。王及庶民。終莫肯聽。反加殺害之。安斯主怒。准亞西利亞王。來剿滅依臘。爾國。盡虜其民。與王為奴。又移亞西利亞國民。於撒瑪利亞境內。種居。住未久。被惡獸殘害。或告之曰。此乃天主教民之國。汝輩不敬主。豈能居耶。據此報。王。王即遣依臘。爾教士。勸訓其民。拜主之禮。時居民。兼拜本鄉邪神。故以後撒瑪利亞百姓。雖知聖經古誡。認崇真主。而又實為異端裂教云耳。

○依臘。爾國。後常太平麼。○不久就亂了。○為何如此速亂。○離棄天主。




奉魔故也。天主怎麼罰了斯國。准亞西利亞王來。剿滅其國。盡虜其民。與王為役。依臘。爾受罰之事。警示何意。警示吾人。若離真主教宗。必漸流至事邪魔也。

第三十八章

論多俾亞父子二聖 造後三千二百八十六年 降前七百十四年 時為周朝桓王之第六年


多俾亞乃聶弗大林支嗣。居撒瑪利亞國色弗城。為人仁愛敬主。人多往拜金牛。伊按聖規。去日路撒稜大殿。行祭拜主。娶妻亞納。生一子。亦名多俾亞。後同被虜。住尼尼物城。因其為人慷慨。惡王亦重之。隨其往來無禁。家頗富足。為此每日出顧。同虜親友。苦者慰之。貧者濟之。死者葬之。種種善功。恒行弗倦。主欲增其忍德功榮。忽一日。雙目俱盲。家漸貧乏。其妻恨責之。老多俾亞。忍默無怨。依舊守誠事主。一日。想己不久在世。喚子來。囑以愛主愛人諸





德。又告已曾借銀兩與加白六現居辣日城。今當尋一識路之人。帶憑契同往取討是也。小多俾亞出街。正來一英勇少年應僱。皆弗識其爲主之天神。是日小多俾亞同少年起程。夜行河畔。見大魚欲行吞狀。大呼喊救。少年命其捉土破腹。留肝胆以後用。次日少年告曰。今夜我等當宿汝堂叔辣貴家。其女撒辣。予當爲爾說親成婚。分其家財與爾。辣貴不勝喜允。後少年携憑契。獨往辣日城。取還銀兩。數日後。與小多俾亞妻室財物返程。囑其到家。先拜主謝恩。將前所留之魚胆。調抹父眼。目卽復明。斯時小多俾亞。總講往來所受少年照護各樣奇恩。於是父子二人。私處商議。欲以所獲之財物。半給少年。酬其恩德。此時少年乃明告曰。我乃天主所遣。辣法厄爾天神也。無用工酬。今事完當回。汝等惟宜讚謝主恩。言畢不見。父子諸人。伏謝良久。嗣後

季




老多俾亞壽至一百二歲。小多俾亞壽至九十九歲。皆見五代子孫平安仰世。

○多俾亞有何美德。○恒心敬主。堅忍世苦。仁愛施捨。○天主怎麼賞報了他。○遣天神陪護其子。療治其眼復明。○天主常賞報忍耐喜施之人麼。○一定在世。亦常賞報也。


第三十九章 論如達國百姓被虜京都聖殿毀滅 造後三千四百十七年 降前五百八十三年 時為周朝簡王之第三年

依臘阨爾國滅民虜。百餘年後。如達百姓。尚屬達未子孫。代傳為王管轄。在日路撒稜聖殿。依舊禮儀。祭獻奉主。日久。有多人喜事邪魔。內惡王雖多。然賢王亦不少。如厄色基亞王等。勤奉真主。恪遵誠規。時日路撒稜京都被圍。敵出狂言。咒罵天主聖名。厄色基亞賢王聞之。不勝痛苦。懇依撒依亞先知



聖人代爲求主救顧京都。主允所祈。當夜遣天神。殺戮亞西利亞寇兵十八萬五千。敵敗道歸。國復寧靜。數年後賢王崩。惡王疊繼。民又與王。棄主向魔。先知多聖。屢勸弗聽。於是天主震怒。時拿布哥多諾佐大王。強兵併吞亞西利亞諸國。遂破如達諸城。日路撒稜京城亦陷。如達惡王塞德西亞與民盡被虜於巴彼隆。貨寶劫掠一光。焚主大殿。遷聖物重器。周園城墻。毀滅一盡。惟結約聖櫃。賴熱肋彌亞先知聖人。預藏山中矣。竊慨依臘。阨爾如達兩國百姓。本爲亞巴郎聖祖子孫。稱天主之民。受主顯顧。聖迹大恩。何止千萬。而皆辜忘。離主犯規。從魔爲惡。天主真又不啻慈父待子。育之。教之。勸之。責之。仍怙惡不悛。棄而罰之。於是外教君王。得行殘暴。殺虜王民。城市聖殿。毀滅無存。今吾人覽之。在世可懷主恩。可畏主罰。務勿效之。幸哉。


三



圖爲何天主准外教國王。毀滅日路撒稜京城聖殿。因如達君民。不守聖規。招動外教人。咒罵天主聖名之故。圖如今不守教規惡友。不像如德亞人一樣麼。圖也是一樣。故亦屢覺天主重罰。受外教人磨害。

第四十章 論達尼爾與其同後淡薄諸德 遺後二千四百十七年 降前五百八十三年

拿布哥多諾佐大王。得勝四鄰。回巴彼隆京都之後。命亞弗納督管太監者。於被虜孩中。選其聰明人品出等諸童。進養宮中。定每日給如王用之酒食。俟其顏容丰美。進侍王側。時如達被虜孩中。有達尼爾。亞納尼亞。彌撒爾。亞撒利亞。四童在內。皆熱心敬主者。恐汚己靈。四人商議。不用王定之酒食。瑪辣撒太監懼曰。汝等不用王定之酒食。欲何爲耶。王若見汝等容貌。比別孩更枯瘦。怒責。則吾性命。被汝等害矣。達尼爾等四童懇曰。求爾




試僕旬日。但食以荳麵清水。請驗我四人面貌如何。瑪辣撒太監依允。旬日後。視達尼厄爾四童面貌。丰彩秀雅。超越宮養衆孩。故督管者。不復多言。以後惟給以荳麵清水。天主賜其四聖童。聰明才學人品。遠勝通國諸童。又賜達尼厄爾能解隱密諸夢。預言來事。王見之。甚喜愛。此則示我等身體壯健。聰明學問等事。非獨係於飲食豐美。教導攻讀等件。尤當賴主賜恩特佑也。

達尼厄爾與其同伴四童。有何美德。答。淡薄尅己。恒心敬主守誠。天主怎麼賞報了他們。答。賜他們聰明。人品才學出等。又得王寵。如此恒心守規。教友。當得天主特賜護佑也。

第四十一章 論達尼厄爾解夢 造後三千四百十七年 降前五百八十三年

古經所云。天下四大朝。拿布哥多諾佐。是第一大朝。首王也。得位第二年。忽







主彼時立一國。威蓋大四朝。崇尊漸積。永爲天地大君。而萬世不絕矣。王聞異解。伏地讚頌曰。惟密知將來隱事者。乃至高獨一尊主也。卽將達尼阨爾四人。擢陞高位。

圖達尼阨爾所解。是那四大朝。圖第一。西西利亞國。第二。伯爾西亞國。第三。額肋西亞國。第四。羅瑪國是也。圖小石。漸大成山。蓋天下者。解說何事。圖解說聖教初興。猶如細石。漸大終傳天下焉。圖爲何聖教表像山石。圖因聖教會堅固如石。雖魔鬼惡王。異端。統起而攻。總不能勝。故吾主首招宗徒。西滿。卽換名伯多祿。譯言石也。

第四十二章 論三聖堂火窖不傷 造後二千四百十七年 降前五百八十三年  
拿布哥多諾佐鑄金像。六丈餘高。出旨命通國文武官員。軍民人等。一聞號



器樂奏。統當伏拜。時亞納尼亞。撒爾爾。亞撒利亞三人。同在職。不拜金像。有人奏稟。王怒召責曰。是汝三人。輕藐令旨。不拜吾像耶。汝等速改。今聞號器樂奏之時。即當俯拜。若不然。就擲火窰焚死。看誰天主。能救汝等乎。三聖童齊對曰。天主欲救。不難施行。若不救。我等甘心爲主致命。萬弗能拜王之金像。王勃然大怒。命七倍加燒火窰。將三童連衣。即投火燒。主遣天神在窰中吹涼風。與三聖清快優遊火中。高聲請衆萬物。讚美天主云。其火焰飛出。焚死窰門。傍投聖加薪諸人。王見異情。驚問曰。予投三人。爲何有四人。彼中一人。丰姿雅態。莫非天主子乎。因此轉向三童曰。至高天主臣者。請汝等三人出窰。時文武官員軍民。統來驚視。見三童毛髮身衣。毫無火跡。王驚訝不止。出旨遍告曰。惟亞納尼亞等之天主。爲最高最尊。且至大至能。爾官員






軍民人等。悉宜欽崇事奉。蓋其國其權。獨永世不移者也。王復遷陞三童於  
 更高大位。可知天主欲護之人。雖暴王烈火。亦無妨害也。  
 圖爲何三聖童擲入火窰。圖因彼等不拜暴王金鑄之偶像。圖三聖童被火  
 焚死否。圖沒有。因主遣天神。吹風窰中。毫髮無傷。圖後王如何。圖驚訝不止。  
 出旨遍告衆人。悉當欽敬至尊全能天主。圖三聖童之表。有何取法。圖效其  
 義勇。爲主信德。不懼暴王烈火之刑也。


第四十三章

論達尼爾附投入獅阱不傷 造後三千四百四十二年  
 降前五百五十八年 時爲周朝靈王之第十四年

拿布哥多諾佐王崩。其孫巴爾大撒卽位。數年後。有伯爾西亞國。大利於斯  
 王。攻圍巴彼隆京都。設計破城。久時不下。巴爾大撒王。以京城。堅高難破。不  
 甚爲意。在宮宴樂。出其祖所劫如達聖殿寶器。與臣妾夜飲玩賞。倏見一手



影於燈光前。寫宮牆上。王面失色大驚。急召城中官員術士。許有能讀牆上而解者。封賞侯爵。奈無一人識字知解者。王愈不安。太后乃告曰。如達被虜中。有達尼。厄爾。前曾解汝祖杳冥之夢。今必能識之。達尼。厄爾。奉詔入朝。覽壁字而解曰。此謂天主置王於天上。今王自更輕。茲夜天主准仇人殺王。巴爾大撒。卽封賞達尼。厄爾。是夜果城破被殺。大利於斯。王得國。知達尼。厄爾功德。甚重任之。仍用爲部臣。同僚妬其寵。設謀陷害。請王出新旨。一月之久。不准國人拜祀他神。惟拜新王。違令者卽罰投獅阱。達尼。厄爾。聖人。不顧王令。每日三番。照舊求主。同官窺知。奏王行罰。王竊欲救之。大臣強諫不可。王無奈。令達尼。厄爾。投入獅阱。王恐仇人陰害。乃封阱口。對聖人曰。汝敬之天主。必能救汝。後果無傷。王甚驚喜。卽令謗害聖人。諸員家老小擲獅阱。未及




阱時。統被吞噬。此爲妬人當戒。欲陷害他人。反喪自身。哀哉。  
 圖第二大朝。怎麼來了。醫因巴爾大撒王。不識天主尊權。冒用聖殿寶器。故  
 受主罰被殺。伯爾西亞大利於斯王。得其國。圖達尼厄爾那時如何。醫天主  
 保護他。復得新王恩寵。圖爲何聖人投入獅阱。醫因他拜事獨一眞主。不知  
 拜事新王爲主。圖他被獅獸吞噬了麼。醫幸賴主救。沒有被傷。爲此愈得王  
 寵。

第四十四章

論達尼厄爾預言救世主降來。造後二千四百四十四年  
 降前五百五十六年。後五年孔夫子生於山東爲靈王二十一年十月


達尼厄爾先知聖人。被虜在巴彼隆之時。常守嚴齋。日夜念經求主。認罪自  
 訟。卑抑深持。望主早救如德亞民。忽一日。祈禱之際。主遣天神加俾厄爾。示  
 告曰。達尼厄爾。天主俯聽汝禱。爾求主獨救爾民。天主將救普地萬民。爲此

卒




短速時日。從再建日路撒稜聖殿。至救世主來時。七年之主日。共六十有九。基利斯督受死。如德亞民背主。斯民將永弗爲主之民矣。噫。時將有大王師。復來勦滅京都聖殿。敵後苦狀不堪。斯時基利斯督別選新民。與人類。堅定新約於一主日內。直到世末。京都永無安慰也。繼後達尼爾。又預言將來之朝代。及本國王民順逆諸情。時又因聖人。屢嘲笑巴彼隆白兒邪神無能。及顯其術士欺民。勸王毀滅邪像。並殺哄民術士。故朝官妬恨愈深。逼王第二次。復擲獅棧。絕食七日。又賴主佑。毫無傷損。王再命行誣諸人。投入獅棧。颯時被吞不見。於是王出旨宣諭曰。普地諸民皆宜敬畏達尼爾之天主。因其乃能護人。獨行蓋世異迹。兩次救達尼爾。於獅口者也。

圖六十九主日。有何解說。圖解說四百八十三年。圖耶穌是在所預言之主




日內受難麼。○正是不錯。○是那王師。當來勦滅京都聖殿。○羅瑪國。第四  
 大朝王師。○他們來勦滅了麼。○聖教書籍。及西洋諸國綱鑑。統有詳記。論  
 此勦滅之事。○日路撒稜京都。第二次毀滅之後。復有再建否。○沒有從新  
 再建。如今之日路撒稜。雖有幾條街市。是與老城基址不一。乃各別之地也。  
 第四十五章 諭西祿國王准如德亞人回國建殿 造後三千四百六十八年  
降前五百三十三年 時為周朝景王之第十三年  
 如達之民。被虜於巴彼隆。如先知熱助彌亞所預言。七十年已滿。時西祿為  
 王。聞達尼厄爾之事。及讀先知預言。乃識自己登位。係天主早安排者。故將  
 如達之人。統交如達王孫左羅巴伯爾。領回本國。並還聖殿寶器。又發金銀  
 帑庫。降旨命該地官員。及近鄰軍民人等。助備磚石大木等料。重建日路撒  
 稜聖殿。左羅巴伯爾領命創造。告竣之日。少者誇新殿之華麗。老者哀曰。新



殿工程幾倍。尙弗克比舊日老殿之壯麗。時亞格日雨。及匝加利亞二位先知在傍。慰曰。汝輩無憂。新殿巍美。雖不及舊。其榮則更勝。蓋救世主將親臨斯殿。以聖之也。時如達之民。又復建日路撒稜城池。因與撒瑪利亞百姓不睦。多被阻擾。如達之人。一面拒敵。一面造城。完竣。衆皆比前熱心事主。守誠行善。各處設立會堂。又舉才德雙全博士。在大殿內。及各會堂處。講道釋經焉。

○天主復還如達之國否。○復還了。但不如從前之光榮。○爲何如此呢。○此指明犯罪之靈。雖痛補之後。總不如早前未犯之美。○先知二聖預言了新殿何事。○預言救世主將親臨斯殿而聖之也。○救世主有親臨厥殿否。○聖經明載。耶穌屢往厥殿。祈禱講道焉。






猪食矣。如此則可免死難。對曰。斯計雖可免得暫刑。而難逃天主永罰。且少年輩。聞予過。尚貪餘盡之殘年。何以爲將來之儀表。乃竟受斬而死。圖此章事內。有何奇表。醫厄肋亞匪祿。老年之毅勇。寧死不違聖規。圖吾人宜法此聖表否。醫若要救靈昇天。必當效之無疑也。

第四十七章

論母子八人致命 造後二千八百三十七年  
降前一百六十二年

時有七兄弟。並母八人。兇虐暴王。仍逼伊等背主拜神。從長子遞問至弟六子。母乃傍諭曰。汝等爲主捨命。肉軀雖殘害。審判日。主必還之榮福萬倍。母言勉以堅諸子之心。王怒。或剝其頭皮。或割其鼻舌。或斷其手足。卒投之於油鍋。皆無一子肯順虐王者。暴王亦自赧。轉善言。向伊母曰。苦勸汝幼子從子。汝子即受厚祿。居朝中高位。母曰諾。乃謂其幼子曰。子乎。汝觀天地之大。










敗北。被戮難當。亦無可奈何。時羅瑪朝。聞如大戰。伐威名。與如德亞國同結。相顧盟約。如大死後。其五弟若那大。接任征戰。仍蒙主庇常勝。因後偶信仇騙。中敵詭計。遇害。衆思其父兄忠勳。公議盡付國權。教事。於其二兄西滿。代代相傳。總攝百姓。直至救世主將臨時也。

瑪大弟亞是誰。醫古教司祭。熱切光榮天主者。醫古經怎麼稱其諸子。醫瑪加伯依。醫其諸兄弟。行何奇事。醫倚賴主佑。救了本國百姓。故天主賜其家子孫。爲大司教。並繼爲王。直至救世者將臨時也。

第四十九章 論瑪加伯依失國 造後二千九百四十年 降前六十年 時爲漢朝宣帝之第十四年

於是西滿掌教事。總攝國權。其死傳子。子傳孫。孫乃自號爲王。至有二昆弟。一名依爾加諾。一亞利思。多不魯。兩相爭國。依爾加諾往請羅瑪總領崩百







知聖人所言第四鐵朝也。  
 圖瑪加伯依後代。怎麼失國。因兄弟二人爭國。自相謀害。故羅瑪人得奪其國。圖羅瑪朝得如德亞國後。另立別王否。圖另立外鄉人。黑落德為王是也。

第五十章 論古聖先知

竊夫世間異端邪術。或有知已往。現在之事者。此魔鬼所能也。然前知未來人意。無定之事。則邪魔所不能。就如天神。無天主默示。亦所不能知也。惟天地真主。有全知之能。不論已往。現在。未來。隱奧諸情。視之皆如指掌。毫髮無差也。故歷代古聖。因受天主默啟。早知基利斯督。生養救贖等事。詳細備錄。如雅各伯聖祖。預言救世主。當出於如達裔。依撒依亞先知。預錄。基利斯督




當生於童貞女。彌格爾先知言白冷那。乃其聖誕處。又依撒依明論其傳教。勸化等聖迹。甘受苦難。爲救萬民而死。死而復活。匝加利亞講其騎驢衆迎。光榮進日路撒稜京城。達末聖王計其被釘時。其衣兵卒拈鬮。其肉軀不見朽壞。以自能力昇天。瑪辣基亞寫彌撒祭獻。普地遍行。總而言之。古經先知歷代聖祖。將降生救世之主。從生受死。復活升天。宗徒敷教。世末審判。一事迹諸情。預陳於經冊。後皆充滿符合。絲毫不爽也。且諸先知。皆爲古時博學高德大聖。伊等在世。多行奇靈異迹之人也。如命死人復活。警聾視聽。瘡跛言行。療病驅魔。火自天降。雷震雨雹等。種種靈異。難以罄譯。斯卽足証我聖教之眞之正。而毫無疑焉者也。至於古經連篇累牘。何暇統翻譯述。不過僅題一二。聊以堅存信友之心。亦可爲覽者一助云耳。



聖教鑑略上卷終

圖古經諸先知是何人。圖皆受天主默示古聖。預錄將來諸事者。圖共有幾  
先知。圖共約十六先知。內有稱為四大先知。十二小先知者。圖先知所預言  
諸事。統皆充滿否。圖絲毫無漏。一一充滿符合。


七十三



聖教鑑略下卷

第一章 論聖母領報 遣後四千年 降生元年 時為漢朝哀帝元壽之二年

天主永遠前定。及古聖先知預言。救世主降生。憐拯世人之時。已至。有童貞瑪利亞。年方十五。淨配義人若瑟。同是達未聖王後裔。皆有聖德。偕矢童貞。時天神加俾爾。奉天主之命。恭報於童貞瑪利亞云。申爾福瑪利亞。滿被聖寵者。主與爾偕焉。瑪利亞聞語心驚。天神乃慰曰。瑪利亞勿驚。因汝得受天主寵愛。將懷孕生子。當名耶穌。瑪利亞問曰。予已矢志童貞。此語何行。天神告曰。因天主聖神全能被爾。無碍汝童貞。緣爾生者。乃天主聖子。爾表姐依撒伯爾。本年老荒胎。今賴主恩佑庇。已受孕六月。瑪利亞乃恭謙依允。對天神曰。主之婢女在茲。希惟致成與我。如爾之言。俄頃。天主第二位聖子。不






失與聖父同體降孕爲人。  
 圓耶穌之母是誰。醫童貞瑪利亞。圓天主降生成人。爲何有母。醫爲要做人子。圓天主無母。能成人否。醫也能成人。但無母。何以得稱人子。圓瑪利亞從那支派下來的。醫如達支派。圓又從那家生的。醫達未聖王家。圓瑪利亞怎麼懷孕吾主。醫因天主聖神全能恩被。圓爲何瑪利亞淨配若瑟。醫要得自己童貞之證。又爲童貞之伴。圓童貞生子。古經早有預言否。醫依撒依亞先知。已前預載了。


第二章 論聖母往見依撒伯爾 降生元年

瑪利亞既懷孕救世眞主。滿被聖寵。亟程往見表姐。路遙四百餘里。抵其室。依撒伯爾聞聖母拜辭。覺胎要不勝欣躍。主卽赦嬰原罪。時因聖神默啟。識



瑪利亞已成天主之母。高聲讚頌曰。女中爾爲殊福。爾胎中子。尤爲殊福。我有何德。而煩吾主之母。遠來顧我。斯時聖母謙卑自持。亦忻樂頌揚主名曰。我靈丕揚吾主。我神忻樂於吾救贖者天主云云。聖母服事表姐。數月而歸。依撒伯爾滿期產子。親朋鄰友集慶。議以匝加利亞父名加子。母曰不然。宜名若翰。時父瘡癒九月。索筆寫若翰子名於簡。衆愕。父舌忽解。丕言嬰兒將來諸事曰。請衆讚頌依臘。爾之天主。彼乃憐顧行救己民。爾小嬰將爲至高之王。先知將爲救世者之前驅。預治主之道途云云。


○爲何瑪利亞往見依撒伯爾。○欲行愛人之事。聖其表姐之子。○誰是依撒伯爾之子。○若翰洗者。○若翰洗者是何人。○是天主之先知大聖。伊首先親指耶穌爲降生救世之主。除免世罪者。○他誕日有何異事。○其父瘡



瘧舌解。預言嬰兒將行諸事。


第三章 論耶穌聖誕 降生元年 漢哀帝元壽二年

時達尼厄爾先知所預載之第四大朝。一統天下。羅瑪國威勢日盛。東征西伐。所過印度。及英咭利。並西洋等國。無不歸順。四方寧靜。因責撒爾與吾斯多總王。欲識已轄邦國人民確數。發命令各歸故土以報。若瑟聽令。携瑪利亞淨配。偕詣白冷郡達末家。報名籍上。噫。天主奧意前定。貧窮若瑟。旋街市竟。不獲寓舍。無奈出城。投宿山洞。時為西曆十二節二十五日也。是夜子時。救世主誕生。天大開。奇光射耀洞內。天神空中。頌歌稱賀曰。天主受享榮福於天。良人受享太平於地。時郊外牧童。守夜護羊。聞歌驚恐。天神慰曰。勿恐。子來報爾美音。救世主降誕於白冷郊外山洞。但見襁褓小嬰。臥馬槽。斯其



第四章 論吾主受割捐立名之禮 降生後第二年


然。牧童聽畢。亟趨往視。見嬰偕厥母。跪伏敬拜。喜歸。隨處宣揚。  
○救世主幾時誕生。○造後四千年。責撒爾與吾斯多統轄西國。時爲漢哀  
帝元壽二年。冬至後三日是也。○救世主誕生何地。○如達白冷郡。○生時  
有何異迹。○天開奇光。照耀洞處。天神空中。歌頌稱賀。○誰先往拜救世主。  
○守夜牧童。○伊等如何得知。○聞天神慶報得知。○吾主誕時。有何可驚。  
○可訝天地大主。卑窮至極。臥於馬槽。其威榮尊高。天神歌慶空中。○耶穌  
誕生。爲何要如此窮苦。○立謙卑甘貧之表。欲人知謙卑甘貧。乃爲諸德之  
母。○吾主聖誕洞處。至今尙在麼。○一定尙在。今其洞處。久建大殿。天下教  
中人。多往朝敬焉。



古時。天主與亞巴郎定約。命伊及其子孫。受行割損之禮。聖子耶穌。既為亞巴郎後裔。自己情願亦履行此聖禮節。故於誕生後八日。聖母同聖若瑟。請諸親友集行割損之禮。立名耶穌。是天神早前報與聖母及聖若瑟知者。


割損是甚麼。是天主與亞巴郎立約。所定之古禮。為何耶穌亦要受行割損之禮。一為立守規聖表。二為令人知其是亞巴郎之裔。三為顯自己乃真有肉身者。耶穌二字何解。解說救世者。耶穌聖名。有何大能。遠驅邪魔。輕快痛苦。啟照靈暗等奇能。我眾當敬耶穌聖名否。聖經云。天上地下地獄。無不敬伏。耶穌聖名。是誰報知的。聖母領報時。天神報知也。

第五章 論三王來朝 降生後第二年



耶穌降誕。天神慶報。牧童往拜。時大景星顯現東方。外國三王。精通天文。視星驚甚。詳究巴辣益古經預言。救世主降誕時。有異星自雅各伯生出。三王各自本國。不約齊同。離朝典程。喜見異星。飛空引導。趨途而行。隨至日路撒稜京都。星忽隱沒。同入黑落德惡王朝。訪曰。救世主誕生何處。吾見厥星於東。來敬。惡王舉城。心皆不寧。問集解經諸士。對曰。如太白冷聖誕處。三王聽畢。辭君出。復見新星騰導。至嬰孩誕生處方止。入室見孩偕厥母。乃信為救世真主。跪伏欽崇。敬笈。獻黃金。乳香。沒藥三禮。


○異星之語。巴辣益古經。幾時預載了。○一千四百四十七年前。依臘阨爾百姓。將進加南益福地時。○那三王是誰。○精通天文。東方外教國王。○為何天主要用異星。引導三王。○天主要用學問。引導學問之人。○為何至日



路撒稜。星忽不現。圖一。天主要如德亞人。識救世主已誕生。二。天主要顯明  
 古經所言。白冷乃實是聖誕處。圖所獻三禮。有何深意。圖黃金。以耶穌是真  
 國王。乳香。以耶穌是真天主。沒藥。以耶穌是真人。

第六章 論聖母獻耶穌於主堂 降生後第二年


昔時。天主欲領出自己百姓。殺了阨日多國衆長子。如德亞人長子毫無驚  
 動。爲感念斯大恩。天主命伊等長子。生後四旬。當抱獻於主聖殿。準備物儀  
 以贖。富家羊羔一。斑鳩一。或白鴿一。貧家斑鳩二。或嫩鴿二。定爲贖長子之  
 儀。耶穌是聖母之長子。故願獻已於主殿。聖母貧苦。儀備雙鳩以贖。禮畢將  
 歸。此時有一盛德年高西默盎。蒙主默啟進堂。迎抱聖嬰於懷。稱頌喜賀。請  
 主收靈謝世。並言。吾主將爲多人之救贖者。又爲多人之喪失也。時又一聖



德節婦亞納讚揚聖子耶穌真是救世之主。  
圖爲何耶穌要獻自己於主堂。圖一爲立守聖誠善表。二欲如祭品爲我罪人。獻己於聖父。圖爲贖耶穌。聖母何故不用羔羊。圖一聖母清貧無力得備。二因耶穌爲天主真實之羔羊。其餘皆影像。真實羔羊既在前。何必再用影像乎。圖聖西默盎講了何事。圖言聖子耶穌將爲多人之救贖。又爲多人之喪失。圖怎麼耶穌爲多人之救贖。圖信主敬主必爲受救。圖怎麼又爲多人之喪失。圖不信不敬受罰已定。

第七章 論耶穌逃匿厄日多圖 降生後第二年

黑落德見三王抵日路撒稜京都。尋拜救世主。心大畏忌。想斯救世主。必將得王位。思計謀殺之。但因未識主要是誰。故託辭假請三王曰。尋旋報。吾欲






奉朝。惟天神夢中啟示三王。阻復報惡王。乃自別道歸。黑落德覺被三王欺弄。久未回報。於是大怒。發兵赴白冷境內。凡二歲以下男嬰。無分貴賤。嚴命統殺。竊如此總戮。救世新主難逃。必在受殺數內。不識心藏之惡計。何瞞天主全知哉。天神乃告命若瑟。携聖嬰同厥母。逃避厄日多國。義德順命若瑟。不及待旦。是夜卽行。主入斯國。魔像多傾倒。國人驚恐。不明其由。耶穌偕聖母。避居外國數年。迨黑落德歿後。天神復報若瑟。同住如德亞納匝肋地。○爲何耶穌要避難厄日多國。○天主本不必逃避。能隱藏己身令人不見。也能殺死黑落德。使他不能行戮。但要立表。訓吾人遇艱難風波之時。當如何而行也。○斯日共殺幾多嬰孩。○聖經未記。殺死無數嬰孩。○黑落德因何故。欲如此兇狠行殺。○竊如此而行。新生救世主。定在被殺數內。○吾主



避難之事。有何示意。示吾人當知天主不行聖迹。也能救護敬己之人。又該知世人惡計。不能改換天主前定。

第八章 論耶穌十二論講道 降生後十二年 時為漢朝王莽篡位之第四年

耶穌至三十歲。隱居若瑟家。聖經獨提他服從順命一語。若瑟偕聖母。勤力做工。微資度日。耶穌如子亦無空過。帮行做活。其二親守誠甚謹。每年照規帶聖子耶穌赴日路撒稜都中聖殿。過巴斯卦大慶。耶穌十二歲時。瞻禮後離親留殿。二親不覺。自行己路。意聖子隨親屬伴行。至暮同路。方知相失。耶穌傷痛不已。遂於親友中。旋途覓訪。回至日路撒稜。憂尋三日後。喜見聖子在殿。與耆年博學之士。講論天主事理。眾人皆驚皆愕。聖母土前向耶穌曰。吾子。爲何行此。父與我痛悶尋爾。對曰。爾輩爲何尋我。弗識吾有父事。必當



行此。耶穌隨聖母出殿而歸。其年長。上智日進。寵愛加於天主與人前。  
○耶穌至三十歲。行了何事。○聖經獨記他服順二親諸命。○獨此一語。有  
何示意。○示吾人當知順命之德。乃為少年人第一緊要之事。○耶穌十二  
歲時。行何奇事。○列坐聖殿博學士中。○在殿究論何事。○討論天主事理。  
○此何訓意。○訓我輩當樂聽喜聞天主聖道。○耶穌的上智日進。有何解  
意。○當明耶穌的上智。本無增長。但隨年紀漸顯。真如太陽大光。恒一不變。  
然昇中天。愈顯光照。


第九章 論耶穌受洗於若翰 降生後三十一年 時為東漢光武之第七年

責撒肋弟白略十五年。若翰洗者離曠野出洞。講道於若爾當河邊。令人痛  
改。如古經依撒依亞先知書云。宣聲由曠野。命治主道途。四方人眾。咸來聽



講多有痛悔求受洗者。於是若翰聲名一時大顯。多人疑以為救世者。若翰謙退力辭曰。伊居爾輩中者。爾眾猶弗弗識。伊生我前。來於吾後。吾實弗敢與彼解屣帶。伊實為基利斯督救世者也。斯時耶穌亦首行救贖吾輩之事。大約斯時。聖若瑟已善終逝世。吾主來至若爾當河邊。欲受洗。聖神默啟若翰。見耶穌。明告諸人曰。此則除免世罪天主之羔羊。耶穌首請若翰付洗於己。若翰堅辭不敢。再三命行。方纔恭允。耶穌下若爾當河濱。受洗於若翰。天門大開。天主聖神顯形白鴿。降臨於耶穌首頂。天主聖父。空中語謂曰。斯實為吾愛真子。甚樂吾心者。耶穌受洗時。年乃三十歲。


○若翰之洗是甚麼。○是痛改之洗。預備世人。迎接基利斯督。○為何耶穌要請若翰付洗。○一、要吾人學其謙表。二、要於受洗之時。以聖普世之水也。



圖耶穌受洗時。有何異迹。圖天主聖三。同時顯現。圖怎麼同時顯現呢。圖空  
 中間語。是天主聖父之聲。說耶穌是己可愛真子。最樂其意者。又白鴿形。是  
 天主聖神之顯像。圖因何天主聖神顯形白鴿。圖一、白鴿之鳥。是純潔之像。  
 二、白鴿翹翼。有彩色雜毛。以表聖神恩德。亦含多奇諸妙。

第十章 論耶穌嚴齋魔誘 降生後二十一年

耶穌受洗後。往居曠野。晝夜嚴齋四旬。魔近。欲識其果真為天主子否。三番  
 試誘。首見耶穌腹饑。乃誘曰。倘爾實為天主子。何弗命斯石化餅充饑。耶穌  
 對曰。經云。人非獨繫於餅食生。又賴出主口聖言而生。魔次置耶穌於聖殿  
 高頂。試曰。爾若果為天主真子。即可就此隕下。經云。主命天神扶持爾。使爾  
 無受傷跌。吾主復曰。經云。爾毋誘試天主。魔再携耶穌於極高山頂。顯萬國




尊榮於前。指曰。倘汝能跪拜吾。即將諸榮與汝。耶穌叱曰。撒殫速避。經云。爾為欽崇奉事獨一天主。誘畢魔道。天神送食進膳。

○耶穌受洗後。往那裡去了。○往曠野去了。○去那裡做甚麼。○大齋四十日。○為何吾主欲守斯嚴齋。○欲示吾人。當如何預備各人受誘惑。○耶穌居曠野時。幾番受了魔誘。○三番。○為何要受此三誘。○欲訓吾人退誘之法。○魔鬼用了那三樣誘惑。以試耶穌。○第一。是貪饕。第二。是驕傲。第三。貪榮。○誘惑是罪麼。○不是。順從魔誘。纔是犯罪。退誘乃是立功。


第十一章 論耶穌選擢十二宗徒 降生後二十一年

耶穌退誘逐魔之後。乃起行講道。回至加理肋亞地。居住熱納撒肋湖邊。先收漁者兩姓兄弟四人為門徒。即安德肋及其弟西滿。又雅各伯。若望色白。




二子繼後漸次又收別徒。內有一更顯名瑪竇。前爲徵稅之人。未幾門弟接踵而至。不倦聽訓。專志主師。規範聖道。耶穌又於諸徒中。特選十二弟子爲宗徒。擢陞衆徒之上。首名西滿伯多祿。次安德肋。又雅各伯。又若望。又斐理伯。又巴爾多祿茂。又瑪竇。又多默。又雅各伯亞爾弗之子。又如太達陡。又西滿加納地人。又茹答斯夷斯加略人。伊卽付賣吾主耶穌。又賜西滿別名伯多祿。曰。爾名伯多祿石也。吾於斯石上。將興吾教會焉。

圖宗徒二字何意。圖遣使之意。圖爲何名遣使。圖猶如帝王。遣官治百姓。吾主遣使治教友。圖爲何耶穌選擢樸實漁人爲宗徒。圖欲示吾人傳教之功。真是天主全能之功而已。圖共幾宗徒。圖十二宗徒。圖那十二宗徒。圖伯多祿。安德肋。雅各伯。若望。多默。雅各伯。斐理伯。巴爾多祿茂。瑪竇。西滿。達陡。瑪



弟亞伊卽於耶穌昇天後。爲十一宗徒公選。代茹答斯之位者。  
第十二章 論耶穌講道勸化 降生後三十二年  
維時耶穌領遣諸徒。往各府城邑鎮市。及鄉澳村庄等處。講傳天國福音。明  
解此際。乃爲痛改認主救靈之時。繼又明證自己。是古聖諸王所久待。先知  
衆聖所預載之基利斯督。天主所遣之救世者。凡能誠信其聖道。痛悔行改  
者。必蒙罪赦。獲享常生。乃又多顯靈迹。以證自己。眞爲天主所遣者。如命水  
化酒。平風靜浪。死者復活。驅逐邪魔。又命瞽者視。聾者聽。瘧者言。跛者行。癱  
者起。癩者潔。種種奇能難罄。時吾主一舉一動。皆爲諸德之表率。四方人民。  
咸來受教。

○吾主講傳之聖道。爲何稱福音。○因吾人聽其道。神病得療。遵其教靈魂






得救。○耶穌怎麼顯明自己所傳之教是實。○顯行無數奇能大聖迹。○聖迹是甚麼。○是行超過世人及魔鬼衆力量才能之事。如命死人復活。聾聽。瘡言。跛行等。○怎麼得知耶穌在世。行了無數奇能聖迹。○因爲不但聖教經典有載。卽如德亞及羅瑪國鑑。也明記吾主傳教化民。異能奇迹。受難釘死。復活等事。

第十三章 論耶穌擢伯多祿爲宗徒首長 降生後二十三年

耶穌傳教顯迹。已經二年有餘。將近受難之時。欲立聖教接位之人。一日由地里界入加理肋亞境。途中問諸徒曰。世人以我爲誰。對曰。或曰是若翰洗者。或曰是厄里亞。或又曰是熱肋彌亞。或古聖一先知出世。耶穌復問曰。爾輩以我爲誰。伯多祿率衆對曰。爾實爲常生永活天主眞子。耶穌答曰。西滿






第十四章 論耶穌顯聖容 降生後三十三年

吾主在世。欲堅固宗徒信德。一日領伯多祿。雅各伯。若望三徒。至加理肋亞地。土大博爾高山。稍顯天主威容。時耶穌身穿之衣。忽潔白勝雪。面容光輝似日。每瑟及厄里亞共二位古聖顯現。與耶穌講論受難救贖之事。三徒俯伏。不敢仰視。伯多祿自覺心滿神怡。乃向耶穌曰。主師。吾輩居此甚好。願建三所於茲。一爲主居。一爲每瑟。一爲厄里亞。言時。彤雲佈蓋山頂。空中聞聲云。斯實乃吾真子。爾衆聽其訓。少頃。耶穌下山。囑三徒適纔所見之事。待彼受難釘死復活之後。方得與人言。


○爲何吾主發顯聖容。○欲堅固宗徒信德。○那幾位宗徒。是吾主顯聖容之見證者。○伯多祿。雅各伯。若望三位宗徒。○爲何吾主要用三徒。○凡事



有三人爲證可矣。圖吾主在何處顯了聖容。圖在大博爾山上。圖爲何每瑟暨厄里亞。二位古聖顯現。圖要宗徒知伊是真爲古聖先知。所預載之基利斯督救世者。圖爲何吾主囑三徒隱默顯聖容之事。待彼復活後。纔可與人言。圖恐如德亞人。知伊是天主眞子。不敢謀殺行釘。則吾人何時受救耶。


第十五章 論耶穌騎驢進日路撒稜 降生後二十四年

耶穌於巴斯卦瞻禮前六日。從熱里各往白大尼亞。知受難時已臨。欲進日路撒稜京都。先命二徒。往鄰村。解送所繫之母子二驢。二徒如命牽至。將表衣置驢背。主乘駒驢入京城。因前數日。吾主行大聖迹。納匝祿死過四日。開幕命他復活。與耶穌同行同席。聲揚名傳。遠近百姓咸來探視。見耶穌乘驢而來。同行人羣。或解衣鋪地。或土樹拆枝。散滿路途。先行後隨。簇擁衛送。歡






視異迹。衆口讚揚。惟斯基巴與法利色義暨司教官長等。皆深恨妬忌耶穌。因彼衆行惡。屢受主責故也。蓋斯基巴乃如德亞稱名博士。耶穌顯明說其糊塗。不辨經意。心存歹性。法利色義亦稱嚴守教規之士。吾主責其假借守規之名。欺弄百姓。而其內實藏驕傲怪吝嫉妬等惡。又司教官長諸人。曾聽吾主說過。日路撒稜將必受毀。且耶穌所講輕世財福樂榮華之訓。皆與彼等私意不合。故屢常毀罵吾主。或欲以石擊殺之。然主受難之時未至。惡人不能加害。後見耶穌騎驢進都城。衆民歡迎稱讚之事。愈增妬恨。竟合城長老學士惡黨。集同議論。謀殺耶穌。與惡徒茹答斯約定三十銀錢。候期賣付。圖爲何斯基巴與法利色義共恨耶穌。圖因吾主直責他們之過惡。圖爲何司教與官長亦深恨耶穌。圖因曾聽吾主講日路撒稜必將被毀。又聽吾主



所講當輕世福榮財等訓。皆與私意大不合者。○仇黨用了何法。以拿吾主。○用惡徒茹答斯。○許了他甚麼。○三十銀錢。○此事先知有預言否。○  
加里亞先知早已預載了。


第十七章 論巴斯卦晚餐 降生後二十四年

救世主受難救贖萬民。乃古經達尼厄爾先知所預載之時期已至。耶穌知惡徒茹答斯與仇黨約定賣師。命伯多祿若望二徒。先往一富人家預備今晚在他廳堂中慶過巴斯卦晚餐。因吾主早前講道時。屢常許過宗徒給食生活之餅酒。是夜偕十二宗徒晚餐畢。起身離席卸表衣。白布纏腰。跪濯諸徒之足。以小麥餅葡萄酒。建定聖體聖血奧禮。內寶藏隱着吾主真體寶血。給宗徒。命他們各自領。斯時耶穌明說十二徒中。有一賣師者。又云。爾衆今



夜將棄我而逃。又因伯多祿過舉。言衆雖背。我竟弗背。故吾主預告曰。伯多祿。今夜鷄鳴前番。爾却背我三番。


○巴斯卦晚餐是甚麼。○是瞻禮前一夜晚餐間。如德亞人。各家咸食獻過之羔羊。○爲何獻斯羔羊。○以感念天主古前自厄日多國。救出他們祖先之異恩。○吾主在斯晚餐時。建定了甚麼。○建定聖體聖血奧禮。○爲何吾主在斯晚餐。建定聖體聖血大禮。○因巴斯卦羊羔之禮。乃影像耶穌十字架上之祭獻。而其所定聖體聖血之大禮。又爲永遠記念十字架上之祭獻。○巴斯卦羊羔之祭獻。與耶穌之聖體聖血。有何分別。○巴斯卦羊羔。單是影像。而聖體聖血。實是耶穌祭獻天主之真禮。故今每舉行彌撒。還是接續耶穌於十字架上。祭獻天主的原禮。





晚餐後。囑告畢。茹答斯先出報付。耶穌同十一宗徒往阿里瓦山。名熱色瑪倪園。命諸徒祈禱。免陷誘惑。乃携伯多祿。雅各伯。若望。三徒。進前同禱。吾主少離。斯時心中憂悶至極。徧身汗血流地。三番跪伏求主聖父。免飲苦爵。但如父願。回視三徒皆甚憂寐。命醒求禱。時茹答斯領惡眾兵卒。持燈炬器械來。行假禮付賣主師。耶穌往前迎問曰。爾眾竟誰。曰。耶穌納匝勒諾。主曰。是我二字。甫出主口。惡眾悉倒。再問竟誰。曰。耶穌納匝勒諾。耶穌對眾曰。子每日講道聖殿。傳教街市鄉庄。何弗擒執。但今夜。乃爾輩之時也。斯諸弟子。任其各去。毋用累及。惡眾用繩鍊。縛耶穌。牽至蓋法斯司教署內。尋多虛證。判斷耶穌該死。又行唾面打嘴。凌辱罵難計。宗徒逃散。惟伯多祿遠


第十八章 論茹答斯付賣耶穌 降生後二十四年




隨。後被守門婢卒查問。竟背耶穌三次。如前吾主所預告者。  
圓耶穌晚餐後。往那裡去了。醫往熱色瑪倪園去了。圓去那裡做甚麼。醫祈  
禱天主聖父。預備自己受拿。圓誰來拿了耶穌。醫茹答斯所領的惡黨兵卒。  
圓立刻就擒縛了麼。醫沒有。因是我二字。方出主口。惡眾悉倒。圓是夜兵卒。  
拿耶穌到那裡。醫到蓋法斯司教署內。受妄證多罪。又被唾面打嘴。凌辱譏  
罵。圓伯多祿怎麼背了吾主。醫被守門婢卒查問。因胆怯背了。圓背了幾次。  
醫三次。如吾主預前所先告也。

第十九章 論耶穌被釘而死 降生後二十四年

天明。惡眾將耶穌押送比辣多衙內。時茹答斯見主既決死案。惡厭己非。將  
三十銀錢。送還惡首。自縊腹裂而死。比辣多見耶穌無罪。後知是屬黑落德




之權。命送往訊。時黑落德久聞大名。欲觀耶穌行異。喜甚。多言以問。吾主默無一對。黑落德輕視。衣以白衣。命送還比辣多。比多辣思欲釋救。惡眾喧噪請斷。比辣多見眾怒難平。留耶穌受利害鞭笞。頭戴茨圈。眾猶闕闕不息。比辣多胆小狗情。憑眾釘殺。惡黨將粗重十字架。放耶穌背上。吾主甘心情願勉力以負。路上遇見聖母。及數聖婦慟哭路隨。時因力乏。跌仆數次。到加爾瓦略山。釘於兩盜中。聖母同聖若望。暨數聖婦。立於十字架傍。痛苦難堪。吾主將聖母託與聖若望奉養。兵卒拈鬮。分得其衣。時如德亞國。十字架是為極兇極重犯人之刑具。吾主為贖眾罪。甘心受釘。又於十字架上。仰求聖父赦仇。恩賜右盜升天。充滿古經所載。諸事完畢。大聲曰。終。斷氣而崩。是時太陽失光。地動山開。石相觸碎。墳墓自闕。古聖復活。眾觀異變。搥胸回去。有百




夫長驚愕曰。此人真天主子。是日正當巴斯卦獻羊羔之日也。蓋耶穌十字架之死。乃爲真實祭獻。別諸祀奠。統是影像。又吾主之死。爲普世衆罪。補償天主公義。從魔手內救出吾衆。而爲我輩啟開天門。

○天明。惡衆押送耶穌去那裡。○去比辣多衙內。○比辣多認識耶穌無罪。○認了。到底因胆小。不敢力救。憑衆釘殺。○那膽小不敢明證信德的教友像誰呢。○真像比辣多。○茹答斯怎麼死了。○厭非還銀。自縊而死。天主顯罰。貪財失靈。○吾主被釘何處。○被釘加爾瓦略山上。離日路撒稜京城不遠。古傳原祖亞當肉身葬在此山上。○吾主終時。有何變異。○太陽失光。地震石碎。死人復活。○斯諸驚變。顯明何事。○顯明被釘之耶穌。是天地萬物真主。○爲何吾主要死於十字架上。○因魔鬼先用命菓一樹。敗喪亞



當原祖。今吾主要用十字一木得勝。救贖古今萬民。  
 第二十章 論耶穌復活  
 耶穌於十字架上死後。一卒持矛刺傷胸肋。血水併流。時有一富豪弟子名  
 若瑟。毅然往見比辣多。請允殯殮主屍。偕數聖徒卸下聖軀。市香液傅擦後。  
 葬於石槨新墳內。用大石掩蓋。惡黨仇衆。記起吾主早前說過。吾死後三日  
 復活。故求比辣多。准放兵卒看守。恐其門徒夜來盜屍。假報復活。比辣多允  
 准。用官印封蓋墳墓。奈人空算虛謀。何阻天主全能。第三日早曙。乃今之主  
 日。五更清早。耶穌復活出墓。身發奇光。守墳兵卒。驚怖仆地。奔城通報。吾主  
 復活。首先往慰聖母。次現聖婦瑪大肋納。繼現宗徒。暨諸聖徒。信友同食同  
 談。開視五傷。四十日內。同宗徒講論天國奧理。定立聖事七蹟。並聖教規誠












主於辰時聖神降臨。如吾主耶穌所許。聲如風雷。毫無驚恐。充滿衆心。乃現舌形如火。光耀不焚。分懸各首頂。此是顯明宗徒教衆。領受聖神恩寵。傳教萬方。當時京城。天下各方人皆有。異哉宗徒出街講道。只用如德亞本國音語。而外方各國人聞之全懂。皆如各聽本鄉音語一樣。衆人驚訝不止。伯多祿宗徒首長。解明聖迹之故。多引古聖先知經言。證明伊衆所釘死之救世主耶穌。眞實復活昇天。及主所許之遣聖神。今日降臨。賦賜奇恩。爾衆當痛改求救。領聖洗入教。是日聽道者。有三千人歸化。聖教乃從此初興。


○聖神那日降臨。○巴斯卦瞻禮後。第五十日是也。○爲何聖神要於此日降臨。○蓋古教十誡在錫乃山。亦於此日給賜了。○聖神降臨。爲何顯舌形如火。○火表宗徒教衆熱愛。舌形表能通萬國方言。傳授聖教。○上面所表



二事。宗徒驗行了麼。當日卽就驗行了。時日路撒稜各方之人皆有。聽宗徒講道全懂。又宗徒等。毫無畏懼。每日到街市。熱切講解釘死之耶穌。實是救世眞主。復活昇天。世人當信當奉。痛悔改遷。求領聖洗。救己靈魂。


第二十三章 論日路撒稜聖教起初

他日。伯多祿宗徒首長。率領諸宗徒。再出街講道。求領聖洗者復五千人。如此數日內。新進教者。共八千人矣。斯時初奉教之人。熱切非常。同友相愛。心意如一。祈禱不間。善德規範。鼓動奇興。多有賣產施濟。離世修道者。百姓見諸聖表。而求進教者不少。宗徒諸位。專一講勸。帶行聖迹。如療病驅魔。瘧言聾聽。跛行死活。時有窮丐。生卽跛癱。親屬每日携置殿門。向諸入殿之人求施。伯多祿借若望進殿祈禱。謂跛癱人曰。視。我無銀錢施爾。惟仗納匝勒諾。



耶穌之名。命爾起行。跛癱應命而起。隨卽踴躍。步趨入殿。稱揚謝主。衆人目  
視此奇跡。統來伯多祿及若望宗徒前。驚訝不止。伯多祿復講明耶穌聖名  
大能之故。多人卽又痛改進教也。


○誰爲首初奉教之友。○如德亞人。或先聽耶穌講道。或後聽宗徒勸講。而  
向化者。○那些奉教人。是熱心麼。○非常熱心。故百姓中多有人。見新友相  
愛善表。感化而求進教者。○伯多祿首次講道。多少人領聖洗。○三千人。○  
第二次講道。幾千人進教。○五千。○宗徒們。行何靈迹。○療病驅魔。復活  
死人。能通萬國方言。○爲何這些聖迹。如今少見呢。○此時聖迹也有。但不  
如前時之多。蓋聖教今傳普地。聖迹不甚要緊。猶如吾人栽種新樹。勤澆謹  
壅。待根深固。澆壅隨停。聖教初興。真如嫩樹新種栽。故天主多顯聖迹。以



勤澆謹壅之。待聖教廣傳天下。根深幹堅。聖迹亦稍停矣。然當知如今我們之聖教。實實與宗徒所傳。絲毫無異也。

第二十四章 論日路撒稜聖教初受艱難風波 降生後三十四年


法利色義。同官長等。招動百姓。起害聖徒們。時伯多祿被拿在監。是夜天神救出。天明。守兵見監門封鎖未動。不知伯多祿從何而出。有自外來報曰。爾輩所監之人。今在街講道。官長差人帶進問曰。日前我等已禁爾輩講傳耶穌之名。爲何弗遵。伯多祿對曰。吾輩共視共聞諸事。不能默而無講。主命先當順。人令在次。官長問對。亦無奈何。弗敢加害監禁。故進教者。人數日增。宗徒們日出勸講。竟無暇兼顧聖教餘務。爲此選名望才德七士。聖爲六品副祭。助管聖教餘事。內有名斯德望者。職務之暇也。就出外。熱切責過宣講。引



惹眾怒。以石擊死。爲主首先致命。臨終前。求主寬恕仇衆。  
圖幾時聖教初受艱難風波。圖宗徒們講道後。不久就起了。圖是誰招起來  
的。圖法利色義同官長等。圖伯多祿有了何事。圖被拿在監。天神救出。圖誰  
爲聖教首先致命。圖六品副祭。聖斯德望。圖誰得致命者之稱。圖凡爲聖教  
捨命而死者。圖致命者之死。足證聖教真實麼。圖一定足證。誰肯爲哄人假  
事。捨命而死哉。


第二十五章 論保羅宗徒歸化

時於謀害聖教仇中。有出等少年。名掃祿者。各處行勢威嚇。謀殺主徒信友。  
一日往大瑪斯哥城。訪拿奉教諸人。忽於途中。赫赫威光。自天而降。圍遶其  
身。有聲呼名責曰。掃祿。掃祿。爲何謀害我。伊仆在地。恐懼問曰。主。爾是誰耶。




對曰。我乃卽爾所欲謀害之耶穌。汝想蹈錐鋒白刃而過。豈非難哉。斯時掃  
 祿心兢身顫曰。主命僕行何事。吾主慰曰。入城示汝當行。掃祿起立。閉眼不  
 見。同伴扶進大瑪斯哥城。三日不能視。飲食不進。熱切求主。時城中有聖徒  
 亞納尼亞奉主顯命。往掃祿寓處。以手扶其身。謂曰。掃祿吾友。途中發顯於  
 爾之耶穌。命子來顧爾。令爾得視。爭受聖神恩寵。掃祿聞語。眼卽復明。敬領  
 聖洗。就於大瑪斯哥城中。立刻起首。熱切宣講耶穌聖道。後成顯名傳教外  
 方之大宗徒。卽聖保祿宗徒是也。

保祿是何人。少年博士。熱切守古誠。謀害聖教之人。怎麼歸化了。歸  
 化後成了何人。成了傳教外方。顯名博學大宗徒。



第二十六章 論撒瑪利亞百姓及外教人歸化  
 日路撒稜聖會。首被艱難風波之時。教中人避害。走散於撒瑪利亞等地方。  
 隨處講傳聖道。撒瑪利亞百姓。信從者甚眾。繼後外國外教人。亦有來奉教  
 者。第一是羅瑪國人。百夫長小武官。名郭爾奈略。早敬天主。不斷祈禱。常行  
 施濟等善工。天主顯示。命伊遣人往請伯多祿。來家宣講。伯多祿奉主命。同  
 至其家。起行講道。異矣。其家聽道親友諸人。一時皆滿被聖神恩寵。與教中  
 人無異。伯多祿與同去數友見之。皆驚訝甚喜。即爲其全家。暨親友諸人。付  
 授聖洗堅振。此則外國外教人。起首進教。自後漸漸日多。  
 圓誰地百姓。次來奉教。圓撒瑪利亞百姓。是何教人。圓是  
 半守古誠。半行異端。古稱裂教者是也。圓外國外教人。誰首來進教。圓郭




爾奈略。圖他是何國人。醫羅瑪國人小武官。多行施濟者。圖他怎麼進了教。醫奉天神示告。請伯多祿宗徒到家講道。合家與親友諸人。同日領聖洗進教。

第二十七章

論宗徒分行天下傳教普地  
降生後五十四年 時為東漢光武之第三十年


宗徒們按主聖命。分行天下。傳教普地。但於分散之前。聚集一處。公定信德規矩。摠包敬主救靈要理十二端。為進教人。真實信友之記號。名曰宗徒信經。就是吾人每日所念之我信全能者。大主聖父化成天地云云。宗徒們於分行傳教之後。由近而遠。教友各國漸多。故於京都省垣。府州縣城之中。聖立主教一位。並諸鐸德。與六品等修士助管教眾。及講勸引導外教人奉教。聖母大約此時。功滿德全。卸世升天。伯多祿首在日路撒稜。繼安弟。阨基亞。





京都安定聖教會。後見羅瑪。爲西洋諸國總王之京師。故又遷定宗徒首長。普天下聖會教宗之座位於羅瑪。時保祿宗徒也到羅瑪。奈祿皇帝之時。二位宗徒同此一時致命昇天。伯多祿受主定爲宗徒首長。在地代主位者。教宗。從當初至今日。代代接續伯多祿位的教化皇。皆居住羅瑪京師。爲普天下聖教會衆主教看得見的首長。故凡有不聽教宗命的人。卽爲裂教異教。爲主所必棄。喪失靈魂之人也。

宗徒們獨傳教如德亞本國麼。不然。但按主命。分散傳教普地。於分行之先。宗徒們行了何事。聚集一處。公定十二端。摠包信主救靈之要理。這十二端要理。稱何名。稱信德記號。名曰宗徒信經。那信經與吾人如今所念之信經有甚麼。實實至同。絲毫無異。爲何耶穌昇天後。留聖




母這多年在世。醫爲安慰示訓宗徒們聖教諸事。並爲提醒堅固新來奉教人之信德。圖諸位宗徒。怎麼過世了。醫除若望宗徒外。都爲吾主致命昇天。圖爲何若望宗徒。不爲主致命而死。醫爲主本屢受慘刑當死。但主欲留彼在世。久願聖教會。故受保存特恩。不立死於刑下。圖伯多祿致命何處。醫羅瑪京都。圖誰接了他的位。醫羅瑪京都本主教。理諾聖人。圖從當初到今日。降生後一千八百六十六年七月之時。共有了幾位教化皇。醫二百六十二位。

第二十八章


論公斯當定皇帝奉教  
時爲晋朝懷帝之第七年

降生後三百十三年

宗徒們。爲主致命昇天之後。教化皇主教神父。接聖徒之職。各處勉力傳教。故進教事主之人。在在皆有。自羅瑪朝中。首臣官員。兵將士庶。何等人內。乃




無進教之人耶。獨總王猶自不醒。各處出令。嚴拿重治天主教之人。時僧尼邪術敗黨。見聖教廣傳。各地寺廟冷棄。因此深懷妬恨。招動百姓。赴官控告。爲此各府州縣鄉澳之間。男女老幼。奉教之人。隨時被拿到官者。何止千萬。或籍沒其家財。放火燒油煎。或投水深坑。或擲蛇蟲獅虎獸棧。或鞭笞杖擊。或繩絞刀殺。或斷手足。割耳鼻舌。或剝皮刷肉。凌遲慘刑。種種難罄。惟教中被拿諸人。皆喜顏悅色。爲主爭前受苦。赴死致命。故官員差吏軍民。目覩奉教被拿諸人。如此甘心情願。爲主受各等萬苦。又見致命聖人。屢行靈迹。療病逐魔。復活死人。地震雷擊。火獸不傷。往往如此。而自卽棄邪歸正者也。異矣。奇矣。奉教人遭風波。被拿受死者愈多。新來進教者愈衆。眞彷彿致命。聖人之血。爲聖教大行之種也。所以於三百年之間。各處爲主被拿。受死致命



之教友。共計有五百兆之多。至三百年後。主始施恩賜。公斯當定帝王奉教時。其因與仇敵攻戰。一日營內。心悶悵憂。慮己兵少。不能取勝。仰首視天。忽見空中十字架懸。兩傍讀字云。以茲能勝。王思不解。是夜吾主顯現。手持十字架。示以各營當立十字架旗。定必取勝。王如令而行。果獲全捷。勦戮仇敵。得登帝位。於是先前嚴治天主教人之令。卽行革除。通國邪廟寺宇。統皆毀滅。各處建造大堂。請立主教神父。傳教宣講。伊自不久。領洗入教。未幾。通國官員軍民。盡皆棄邪歸正。自此以後。西洋各國。聖教方稱大廣揚也。


○西洋聖教。幾時纔大廣揚。○降生後三百十三年。公斯當定皇帝奉教之時。○爲何天主准三百年之久。聖教受利害風波窘難。○欲顯聖教眞實。是從天主而來也。○怎麼因遭患難風波。得知聖教眞道。是從天主而來者。○




因爲若非天主特恩護佑。聖教何能久存。廣傳普世。奉教人。又何能堅受萬  
 苦。爲主捨命而死也。圖公斯當定帝王。怎麼起首進教。因遵吾主顯示。各  
 營造立十字架旗號。凱勝回朝。得登帝位。圖他後怎麼爲天主廣揚聖教。圖  
 革除嚴害天主教人之令。通國各處毀廟建堂。命官員軍民人等。統當欽崇  
 眞主。故西洋聖教得大廣揚也。

第二十九章 論唐朝聖教首傳中國 降生後六百二十五年 時爲唐太宗貞觀九年


宗徒分行天下。聖多默傳教印度等國。有說亦至中華。然無眞據可憑。至降  
 生後六百三十五年。唐太宗貞觀九年。時有大秦國傳教士抵長安。入朝觀  
 帝。得允教傳。現景教碑可証。此石碑於降生後一千六百二十五年。時在陝  
 西西安府。地內掘出。今豎該府西門外寺內。茲撮碑句云。道非聖不宏。聖非



道不大。道聖符契。天下文明。太宗文皇帝。光華啟運。明聖臨人。大秦國有上德傳教士。曰阿羅本。瞻青雲而載真經。望風律以馳艱險。貞觀九祀。至於長安。帝使宰臣房公玄齡。總仗西郊。賓迎入內。翻經四殿。問道禁闈。深知真正。特令傳教授。貞觀十二年。秋七月。詔曰。道無常名。聖無常體。隨方設教。密濟羣生。大秦國。大德阿羅本。遠將經像來獻。土京。詳其教音。玄妙無爲。觀其元宗。生成立要。辭無繁說。理有真原。濟物利人。宜行天下。乃於京義坊。敕造大殿。高宗大帝。克恭續祖。教傳天下。堂滿百城。國富元休。家殷景福。聖歷年。釋子用壯。騰口於東周。先帝末。武后時。下士大喜。訕謗於西鑄。幸賴司教羅舍。及高鐸等。共振力持。繼傳不絕。玄宗至道皇帝。令寧國五王。親臨教堂。教規暫撓而更崇。道旨時傾而復正。天寶三載。降生後七百四十四年。大秦國有




司教佶和瞻星來京。望日朝帝。詔居於興慶堂。修功德。於是天題堂。榜額載龍書。肅宗文明皇帝。於靈武等五郡。重立教堂。代宗文武皇帝。每於降誕之辰。錫恩香以告成功。頒御饌以光教衆。我建中文武皇帝。披八政以黜幽明。闡九疇以唯新景命。化通玄理。祝無愧心。中書令汾陽郡王。郭公子儀爲公爪牙。作軍耳目。能散祿賜。不積於家。或仍其舊堂。或重廣教殿。崇飾廊宇。如翬斯飛。更效教規。依仁施利。每歲集四堂教士。虔事精供。備諸五旬。餒者來而飼之。寒者來而衣之。病者療而治之。死者葬而安之。白衣景士。今見其人。七時禮讚。大庇存亡。七日一停。洗心謝主。眞常之道。妙而難名。願刻洪碑。以揚不休。事記至建中二年。降生後七百八十一年止。教傳唐紀共計一百四十六年。後無據可考。大約因黃巢五代相繼爲亂。教遂失傳矣。



聖教幾時傳入中國。因那時聖教。傳開印度等國。而其中華與印度等國。往來貿易者甚多。况彼時羅瑪朝。已知有中國。故今吾人。大約測度。彼時聖教。亦隨傳入中邦矣。既那時聖教已傳中邦。爲何毫無遺跡存留。時年久遠。統國異端。就有遺跡。亦必因三國之時。連年反亂而失也。幾時一定聖教始傳中邦。降生後六百三十五年。唐太宗貞觀九年時。有景教碑可憑。據茲碑石。聖教既廣傳唐朝。爲何後隨隱沒。大都因五代相繼爲亂之故是也。

第三十章 論元朝聖教 降生後一千二百四十七年 時爲宋朝理宗之二十二年

西洋聖教書籍。詳載宋理宗之時。元主領兵。由蒙古陸路。侵犯波羅尼亞。依











方大主教。其七位神父內。有一名阿多理。居京三載。屢蒙皇上召見敘問。逢  
 瞻禮大慶日。阿多理神父。亦必進朝。祝賀帝上。伊傳教中華十六年。共授聖  
 洗二萬有餘人。後回羅馬。欲求教宗。再遣神父五十位。來華相輔。奈志未就。  
 於一千三百三十一年。病終西洋。時若望孟德哥主教。亦已年老。仰世。教宗  
 復差拂郎西。巴里。京都。尼各老。大德。神父。來中國。接顧傳教事務。時元帝復  
 遣欽臣。携禮物。往羅馬。第十二位本篤。教宗。啟國書云。荷蒙全能天主仁慈  
 特恩。得受為中華皇帝。今差安德肋等。十五臣員。專往謁叩。教皇德化喜安。  
 自燕京。至羅馬。上都。遼難曠險路途。思欲夷平開廣。以為兩京使臣。往來行  
 便。懇求教皇慈父。不己兒神子。賜念華民。降福我眾等語。教宗亦即復書  
 回禮。請元帝。照顧傳教神父。暨教眾諸人等語。如此可想。元朝聖教。怎麼廣




楊。奈年未多久。元末之時。國家多亂。北路不通。故明初。聖教復沒。  
○元朝聖教。怎麼傳入中華。○因元主領兵侵犯西洋等國境界。教宗差神  
父。往營傳教。隨入中國。○如何得知元朝。聖教廣揚。○西洋聖教書籍詳載。  
○又何得知元朝皇帝。敬重羅瑪教宗。○時有欽臣國書禮物往來。其國書  
現存羅瑪。教宗朝內可查。○其時在傳教神父中。那幾位更顯名。○若望孟  
德哥主教。暨阿多理神父。○爲何隨後聖教復沒。○元末國家反亂。北路不  
通故也。

第三十一章 論明朝聖教降生後一千五百八十一年時爲明朝神宗萬曆之第九年


元末明初。蒙古北路阻塞。西國與中華陸路往來遂絕。然天主聖意中早定。  
陸路既絕。海航遂通。時波爾多亞國商船。有往印度等國貿易者。傳教諸士。



亦隨踵而至。首乃聖方濟各沙勿略耶穌會士。旋遊印度日本等國。傳教十餘載。共付聖洗三十有餘萬人。未於降生後一千五百五十二年。抵廣東新寧縣屬上川山島。預備進內省傳教。可惜中華無幸。聖人即於山島。卸世昇天。伊前數次寄信往西洋。激動會友熱情。未幾耶穌會士。來至廣東傳教。施力無效。聖多明我會。加斯巴神父。隨後亦至內地傳教。奈空費神力。無驗於事。反被驅逐難留。至一千五百五十一年。泰西利瑪竇耶穌會神父。始到中華。先傳教廣東諸城。轉入江西留金陵。後迨一千六百年時。方纔與會友龐迪我。齋進外國圖像。自鳴鐘表等物。蒙神宗皇帝恩款極厚。隨令懸掛耶穌聖母像於宮庭。敕建自鳴鐘樓。恩留利瑪竇等士於京師。賜爵。力辭不受。用度命取於光祿寺。時京都大臣官員。學士庶民。多來晉謁。利瑪竇等。統皆




禮接優待。隨機宏宣聖道。故一時信從奉教者甚衆。時大臣學士中。領洗進教者。江南松江府。有徐光啟閣老。浙江杭州府。有楊洪園尙書。湖州府朱宗元解元。福建有葉相國閣臣李子藻等。各自又延請神父。傳教本鄉。時最可動人表效者。是徐閣老孫女。聖名剛弟大。不惟居家矢志守節。猶行無數賑濟善功。多建聖堂。刊印聖書。救養貧病被棄嬰孩。成童之後。又教以敬主救靈爲人之道。皇上聞其功。行美善。欽旌節婦德名。賜以珍寶繡金之裘袍。剛弟大賢婦。祇領恭謝之後。卽變售大價。用濟苦人。徐閣老一家諸人。皆十分守規。熱心敬主之友也。其時西洋修士。先後接踵而來。華夏者。濟濟甚繁。或欽召留居京師。欽天監職守。或傳教各省。或著述翻譯聖教經典。自神宗。光宗。熹宗。懷宗。四帝。皆信重西洋修士。故諸神父得行傳教各省府縣。各處建



造聖堂，設立學房修院，置買地墳場，又得奉教學士大員，輔助神父，著述  
 聖書，引動相勸士民，認主進教，故明末之際，真可喜賀華夏士民，得沐聖教  
 廣傳洪恩。


闕明朝之時，誰先至中華傳教，闕聖方濟各沙勿略，闕伊有進去內地否，闕  
 沒有，聖人首到廣東新寧縣廣海衛上川山島，又名三州島，預備欲進中華  
 無幸，天主收其靈魂昇天，闕泰西利瑪竇等神父，怎麼進朝覲帝，闕齋進西  
 洋圖像，自鳴鐘表等物，蒙上恩賜甚厚，欽命留居京師傳教，闕大臣學士中  
 奉教者，那幾員吏出名，闕江南松江徐光啟，浙江杭州楊淇園，湖州朱宗元，  
 福建葉相國，李子藻等，闕泰西利瑪竇等神父，怎麼得廣傳聖教，闕因萬曆  
 泰昌，大啟，崇禎，四帝，皆信重西洋神父，欽命督算天文諸事，又兼奉教大臣



學士相切著述聖書。引勸士民進教。圖明朝之際。那幾位神父翻譯著述甚繁。醫泰西利瑪竇。艾儒略。高一枝。陽瑪諾。龐迪我。羅雅各。諸位神父。

第三十二章 論清朝聖教 降生後一千六百四十四年 時為大清順治元年


明末之際。中華大亂。傳教諸士。各處慰苦救難。並懇清朝官員兵將。哀憐無過下民。崇禎帝皇。信任奉教二官。一名馬多默。一名金路加。皇后領洗進教。聖名厄肋納。見國家危難心憂。惟以聖道自慰。有一皇子。亦領聖洗。聖名公斯。當定後。皆與國同亡。大清皇帝。定鼎之後。宣諭官員軍民人等。敬重西洋傳教修士。湯若望。欽命修時憲曆。督管天文諸事。敕賜通微教師。託以太子少保重命。逝後。墓前令作石人石馬。於是聖教照舊宣傳。各省增建堂宇。設傳聖道。自一千六百五十年。至一千六百六十四年。計各省新領聖洗進教。









官刑逼懲治。故一時各會西洋神父被拿者。共二十五位。惡官皆逐回澳門。各省共一百七十餘堂。皆無神牧管理。被逐諸神父。惟有舉手向天。求主施憐救顧而已。幸存聖多明我。本國鐸德一位。名羅伯。往各省巡顧教中人。於二年半之間。旋理十省教友靈魂。外教人見其呼耶穌聖名。行多靈奇。被化領洗進教者。二千五百餘人。羅瑪教宗聞其才德不凡。一千六百七十九年時。擢陞南京主教。一千六百八十七年。善終棄世。教中人見本國神父第一位主教。如此速殂。益加傷感。動念難忘。至康熙皇帝年長自摠政權。聖教波難漸平。各省被阻受毀聖堂漸復。因南懷仁。利類思等神父。最為康熙皇帝敬信。恩愛重任者。隆賜官爵。或命纂修永年曆法。或製造軍器火炮。有時皇上因敬愛至情。亦嘗脫己裘袍。以衣南懷仁。命發庫銀。於京城內。敕造大




堂後神父病時。屢遣侍衛存問。亡後。賜銀兩大緞。差官哭奠。至墓諭祭。時浙江撫臺。猶磨害聖教。殷鐸澤等神父。寄信北京奏請。蒙恩發部依議。准各省天主堂。依舊存留。照常行走。不必禁止等語。至一千六百九十二年。熱爾彼龍神父。又得皇上頒賜奉旨傳教龍票。宣諭天主教。通行天下。前康熙皇帝巡狩南省。駕駐杭州。省城行宮。時省城天主堂。有西洋神父。殷鐸澤進見。甚蒙恩待。賜禮。時聖教大行。皇親官員。進教者不少。其中中華等省。皆有主教。聖堂統共三百餘所。各處教友。歡慶謝主洪恩。一千七百零五年。第十位依諾生教宗。欽命座前頭等。紅衣大主教到朝賀謝。皇上禮迎恭待。御席之後。禮儀甚隆。遣官送回澳門。時因阿羅斯國。與本朝不睦。起兵攻戰。西洋神父。閱明我。奉差往說兩國永年和好。爲此皇上愈加敬信西洋修士。凡關國家



大事亦必請同商議。故凡爲聖教所求諸事。無不允准。御題聖教對聯。御書堂匾。與拂郎西皇亦有國書往來。獨惜康熙皇帝身安之時。不思領洗。延至病重。欲召西洋神父進朝付洗。時宮門封禁。不爲傳報。不准外人入內。一千七百二十二年上崩。雍正皇帝卽位。就頒諭旨。各省加害聖教。西洋神父。一齊共六七十位。遂回澳門。有皇親奉教者。名蘇亞瑪。同家共三百餘人。被拏下監。逼令背教。嚇以死刑。其三百餘人。共口齊心。不肯背主。情願受死。後皆爲主死於監內。湖廣避難教中人。逃居木本深山。人跡罕到之處。墾闢栽種。以度生命。一千七百三十四年。有拂郎西辣伯神父。往山傳教。豎十字架於深谷中。以爲存記。易其山名。曰教友谷。至乾隆年間。風波益兇。其時被拿傳教神父。定罪處死。各省神父教友。爲主致命充軍者不少。各處聖堂被毀。




改爲廟宇民房。此時留居京師欽天監天文博士。數位神父。見聖教遭難不堪。無力施救。皆憂悶成疾。或力衰年老。漸次而亡。迨後有泰西諸國神父。來華到京。接理聖教諸事。時外省聖教。雖受風波艱難。然京師尙賴欽天監神父護持。稍得平安無事。一千八百零九年。北京大堂中。猶有各省傳教神父。及官員士臣。大慶聖體贈禮。其時四川主教。聚集本省鐸德十數位。商議聖教諸事。後主教。同數位神父。及多教友爲主致命。嘉慶年間。北京聖教。亦遭艱難。聖堂被毀。至嘉慶十八年。定例嚴禁聖教。治拿傳教諸士。奉教諸人。充軍依理。道光皇帝。登位初年。聖教照舊受難。一千八百二十年。有聖味增爵。傳教西洋神父。劉方濟各。又一千八百四十年。同會西洋神父。董加俾。爾。在湖北省武昌府。爲主皆受一樣絞刑致命。迨道光二十四年間。蒙皇上




恩允弛禁。故各省聖教。稍得平安。至咸豐十年時。更蒙皇上恩准西洋神父。進內省傳教建堂。將前各省所充之天主堂學房。及塋墳田地廊宇。皆允還該處奉教之人。後同治元年。皇上施恩革除嘉慶十八年之定例。至今蒙主大恩。各省聖教。雖有時不免受些風波艱難。到底可稱廣傳無阻。吾衆尙當同心協力。熱切求主賜恩。幸望一日得見中華民國領袖。信主進教。則我國聖教。將如西洋諸國通傳。稱大廣揚矣。

○清朝起初。中華聖教如何。○因順治康熙兩位皇帝。最敬愛信任西洋修士。故聖教照舊廣傳。各省增建聖堂至三百餘所。○那幾位神父。最爲順治康熙二帝。敬愛信任者。○湯若望。南懷仁。利類思。閔明我。熱爾彼龍等神父。或命脩時憲曆。製造軍器火炮。或令纂脩永年曆法。或差往阿羅斯。說安兩



國永年和好。蒙敕賜通微教師。頒賜奉旨傳教蒲票。發帑庫銀。敕造京城大堂。病際。遣侍衛存問。亡後。賜銀兩大緡。遣官祭奠。墓前令作石人石馬。清朝著述聖書。那幾位神父最感。醫和類思。湯若望。南懷仁。蒲華民。陸安德。潘國光等神父。醫幾時聖教受艱難風波。醫雍正乾隆嘉慶年間。被拿西洋神父。或逐回澳門。或受刑致命。被拿男女教友。或受利害刑罰致命。或坐監牢致死。或發疆外充軍依理。各省聖堂被毀。改爲廟宇民房。醫幾時各省聖教蒙恩得安無害。醫首於道光二十四年。恩允弛禁。次於咸豐十年。更蒙恩准西洋神父。進內省傳教建堂。前所充之天主堂。及房廊塋墳田地。允還該處奉教之人。又於同治元年。恩蒙革除嘉慶十八年所定條例。又於光緒二十六年風波後。朝廷疊降諭旨。認真保護宗教。醫現今中華民國各省。聖教可




聖教鑑略 下卷

一百三十七

聖教鑑略下卷終

稱廣揚否。醫信教自由。載在約法。到底蒙主格外慈恩。中華民國各省聖教。可稱廣傳無阻。尚望眾友同心協力。求主賞賜。民國領袖。信崇聖教。則能至莫中國。通稱大廣揚也。





1618

Chinese Catholic MISSION Catholique Chinoise  
堂教主天華中可地滿  
211 LAGAUCHETIERE Q.  
MONTREAL 1, P.Q., CANADA

